

ԵՐԱԿՐԻՍՏԻԱՆ ՄԱՅՐԱԿԱՆ

ՄԱՅՐ ԱԹՈՒ ՍՈՒՐԲ ԷԶՍԻԱԾՆԻ
ԿՐՈՆԱԿԱՆ, ՄԵԿՎՈՒԹԱՅԻՆ,
ԼՐԱՏՎԱԿԱՆ ԵՐԿԵԱԲԱԹԱԹԵՐԹ

Սուրբ Աստվածածնի վերափոխման տոնը Մայր Աթոռ Սուրբ Էջմիածնում

Օգոստոսի 17-ին Հայաստանյայց Առաքելական Սուրբ Եկեղեցին նշեց Սուրբ Մարիամ Աստվածածնի Վերափոխման տոնը:

Բերկրառատ տոնի առիթով Ն. Ս. Օ. Տ. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսի օրհնությամբ Միաձուլեց Մայր Տաճարում մատուցվեց Սուրբ և Ամնահ Պատարագ:

Պատարագիչն էր Մայր Աթոռ Սուրբ Էջմիածնի Վարչատնտեսական բաժնի տնօրեն Գերաշնորհ Տ. Մուշեղ եպիսկոպոս Բաբայանը:

Ներկայացնելով տոնի խորհուրդը՝ պատարագիչ Սրբազան իր քարոզում մասնավորապես նշեց. «Վերափոխումը միայն հիշատակում չէ անցյալում տեղի ունեցած մի իրադարձության: Այն կենդանի և իրական ներկայություն է մեր հոգևոր կյանքում, որովհետև մեզ հրավիրում է կանգնելու հավիտենական կյանքի և մահվան, անցողիկի և անմահի, երկայնի և երկնայինի սահմանին ու այնտեղ՝ լուծվելու մեջ, տեսնելու այն մեծ խորհուրդը, որ «մահու քնից» Աստվածածին Մարիամն անցավ դեպի «Հայրական տուն, Որդու փառքի մեջ»:


Մուշեղ Սրբազանն ընդգծեց, որ Աստվածաշունչն ու սրբազան ավանդությունը միասին հյուսում են այս տոնի հիմքը, որը ձևավորվել է Եկեղեցու աղոթքներում, սրբերի տեսիլքներում, հավատացյալների սրտերում ապրող հոգևոր զգացումների մեջ, որոնք մեզ ոչ միայն տեղեկություն են տալիս, այլև գրավում են մի կենդանի խորհրդի մեջ:

«Տոնի խորքում պատգամ կա՝ ուղղված մեզանից յուրաքանչյուրին. մահը, որքան էլ դառն ու



ցավալի է, Քրիստոսով այլևս մեր կյանքի վերջին հանգրվանը չէ, այլ անցում դեպի հավիտենականություն: Աստվածամոր վերափոխմամբ մենք տեսնում ենք մահվան հաղթանակի կատարյալ օրինակը մարդկային պատմության մեջ: Տիրամայրն անցավ մահվան քնի միջով, բայց նրա մարմինը չմնաց երկրում, այլ անմիջապես ընդունվեց փառքի օթևաններում: Վե-

րափոխումը մեզ հիշեցնում է, որ քրիստոնեական հավատքը մահվան նկատմամբ չունի հուսահատության գլխիկոր կեցվածք: Հակառակը՝ այն խոսում է փոխակերպման մասին: Մարիամը ոչ թե «մահացավ», այլ «ննջեց», քանի որ քունը ժամանակավոր վիճակ է, որից հետո կա արթնացում: Սուրբ Մարիամի վերափոխումն այն հաստատումն է, որ Քրիստոսով ապրող



մարդը մահվան մեջ նման է, իսկ նրա հոգին արթնանում է Աստծու գրկում:

Սիրելիներ, մեզ համար կա այլ պատգամ ևս: Վերափոխումը պարզապես մահից հետո տեղի ունեցող մի հրաշք չէ: Այն սկսվում է այստեղ՝ մեր երկրային կյանքի ընթացքում, և որքան մենք թույլ ենք տալիս, որ Աստծու առատաբուխ շնորհները մեզ մաքրեն, փոխակերպեն և սրբեն մեր սրտերն ու մտքերը, այնքան մենք արդեն ապրում և հաստատում ենք մեր անձնական «վերափոխումը», ասաց Սրբազան Հայրը՝ հավելելով, որ Աստվածածինը մշտապես եղել է մոտ է Եկեղեցու մայրը, հավատացյալների բարեխոսը և յուրաքանչյուրի հոգևոր ուղեկիցը:

«Աստվածամայրը մեզ համար մնում է սրբության կատարյալ օրինակ և իր կյանքով սրբության հասնելու իրատեսական ուղին է ցույց տալիս:Նա ցույց տվեց, թե ինչպես կարելի է Աստծու կամքը կատարել առանց տրտման և նույնիսկ դժվարությունների և տա-

ռապանքի պահին և հասնել սրբության», և նշեց պատարագիչ Սրբազանը:

Վերջում Սրբազան Հայրը հորդորեց հավատավոր հայորդիներին բացել իրենց հոգիները, որպեսզի Աստվածամոր վերափոխման տոնը դառնա ամենքի համար մշտական հիշեցում, որ կյանքի վերջնամպատակը երկինքն է, և որ Աստծուն նվիրված կյանքը չի ավարտվում գերեզմանով, այլ սկսվում է հավիտենականության մեջ՝ արժանացնելով Տիրոջ անանց փառքին:

Սուրբ Պատարագի ավարտից հետո Եկեղեցականաց թափորը Մայր Տաճարից ուղղվեց դեպի Սուրբ Տրդատի բաց խորան, որտեղ, Մայր Աթոռի Արտաքին հարաբերությունների և արարողակարգի բաժնի տնօրեն Գերաշնորհ Տ. Նաթան արքեպիսկոպոս Հովհաննիսյանի հանդիսապետությամբ, կատարվեց «Խաղողօրհներբի» հանդիսավոր կարգը: Օրհնված խաղողի ողկույզները բաժանվեցին հավատավոր ժողովուրդին:

Մայր Աթոռ Սուրբ Էջմիածինը հանդես է եկել հայտարարությամբ

Գերաշնորհ Միքայել արքեպիսկոպոս Աջապահյանին և ազգային բարերար Սամվել Կարապետյանին կալանքի տակ պահելը երկարեցնելու որոշումներով դատարանը հերթական անգամ ոտնահարեց արդարադատությունը՝ կրկին պարզորոշ դարձնելով իշխող քաղաքական ուժից դատարանների լիակատար կախվածությունը:

Նման անհիմն որոշումներով արդարադատությունը ձեռք է բերում պատժիչ նշանակություն, իսկ դատարանները վեր են ածվում ազատ խոսքի և կրոնի ազատության բռնաճնշման գործիքի:

Այսպիսի գործելաոճը բնորոշ է ամբողջատիրական համակարգերին և աղերս չունի հենց իշխանու-

թյունների կողմից տարփողվող ժողովրդավարական արժեքների հետ: Եկեղեցու, եկեղեցականների և եկեղեցու աջակիցների նկատմամբ կիրառվող բռնաճնշումները և տեղեկատվական ահաբեկչության միջոցները չեն կարող լռեցնել խղճի և արդարության ձայնը:

Միքայել արքեպիսկոպոս Աջապահյանի և ազգային բարերար Սամվել Կարապետյանի իրավունքները պետք է անհապաղ վերականգնվեն, բացառվի ապօրինի հետապնդումը, և նրանք պետք է անհապաղ ազատ արձակվեն կալանքից:

Մայր Աթոռ Սուրբ Էջմիածին
15. 08. 2025 թ.

Ամենայն Հայոց Կաթողիկոսը շնորհավորել է տիար Սամվել Կարապետյանին՝ ծննդյան 60-ամյակի առիթով

Օգոստոսի 18-ին Ն. Ս. Օ. Տ. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսը շնորհավորական մամակ է հղել Մայր Աթոռ Սուրբ Էջմիածնի և ազգային մեծամուն բարերար Սամվել Կարապետյանի ծննդյան 60-ամյակի առիթով:

Վեհափառ Հայրապետի շնորհավորագրում ասվում է.

«Սիրելի պրն. Կարապետյան, Մայր Աթոռ Սուրբ Էջմիածնից Հայրապետական Մեր սերն ու օրհնությունն ենք հղում Ձեզ՝ վաստակաշատ հայորդու, և ջերմորեն շնորհավորում ծննդյան 60-ամյակի կապակցությամբ:

Պատկառելի այս հորելյանը

դիմավորում եք՝ գտնվելով համիրավի ազատագրված մեջ՝ ի պաշտպանություն մեր Սուրբ Եկեղեցու դրսևորած Ձեր արիասիրտ կեցվածքի և խրոխտ ոգու համար: Ցավոք, հնարավորություն չունենք Ձեզ այցելելու և անձնապես Մեր բարեմաղթանքները Ձեզ փոխանցելու: Սակայն մեր հոգևորականաց և հավատավոր ժողովրդի հետ միասին աղոթքներով Ձեզ հետ ենք: Տարակույս չունենք, որ ամուր եք հոգով և աներեր՝ Ձեզ բնորոշ հաստատականության և սկզբունքայնության մեջ:

Բազումողորմ Աստված առատորեն օրհնել է Ձեզ և արժանացրել բազում շնորհների և պարգև-

ների՝ բարեգարգելով Ձեր կյանքը նշանակալի հաջողություններով և իրագործումներով: Այդ ճանապարհին Տերը Ձեզ ուղեկից է դարձրել Ձեր սիրելի ընտանիքին, գործընկերներին, Ձեր տեսիլքներին հավատ ընծայած հազարավոր անձանց: Ամենատարբեր ոլորտներում արձանագրած Ձեր ձեռքբերումները Դուք ինքնաբերական հոգով ծառայեցրել եք մեր ազգին՝ նպաստելով Հայաստանում, Արցախում և աշխարհի տարբեր հայկական համայնքներում առկա բազմաթիվ խնդիրների հաղթահարմանը և հայ կյանքում զարգացման ծավալում ծրագրերի իրագործմանը:

→ էջ 2

Մայր Աթոռ Սուրբ Էջմիածնում կատարվեց կրթության մշակների օրհնության կարգ

Օգոստոսի 31-ին Միածնաէջ Մայր Տաճարում, Ն. Ս. Օ. Տ. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսի նախագահությամբ, մատուցվեց Սուրբ Պատարագ:

Պատարագիչն էր Մայր Աթոռ Սուրբ Էջմիածնի Քրիստոնեական դաստիարակության կենտրոնի տնօրեն Հոգեշնորհ Տ. Զաքարիա Ծայրագույն վարդապետ Բաղդույանը:

Սրբազան արարողությանը ներկա էին կրթական կառույցների ներկայացուցիչներ, համարկրթական դպրոցների տնօրեններ, մանկավարժներ և բազմաթիվ ուխտավոր հայորդիներ:

Սուրբ Պատարագի ավարտին, հանդիսապետությամբ Ամենայն Հայոց Հայրապետի, 2025–2026 թթ. ուսումնական մոր տարեշրջանին ընդառաջ տեղի ունեցավ կրթության մշակների օրհնության կարգ:

Այնուհետև Նորին Սրբությունն իր հայրապետական օրհնությունը բերեց կրթության ոլորտի երախտավորներին:

Հայոց Հոգևորապետը, կարևորելով հայ ժողովրդի զավակների կրթության և դաստիարակության սրբազան գործում մանկավարժների բերած օգտաշատ ներդրումը, մասնավորապես նշեց. «Հայոց Եկեղեցին բոլոր ժամանակներում հետամուտ է եղել գիտության և մշակույթի զարգացմանը՝ առաջնորդվելով Սահակ-Մեսրոպյան սերնդի ոգով և լուսավորչական շարժման գաղափարախոսությամբ: Եկեղեցիներին ու վանքերին կից հիմնադրված ծխական դպրոցներն ու նշանավոր համալսարանները դարձել են սերունդների դաստիարակության յուրօրինակ դարբնոցներ, որտեղ ջանքերով կրթությամբ կերտվել են մեր ժողովրդի հոգևոր և ազգային ինքնությունը, հայրենի հողի նկատմամբ սերն ու հանձնառության գիտակցությունը և հավատարմությունը քրիստոնեական արժեքներին»:

Իր խոսքում Վեհափառ Հայրապետն ընդգծեց նաև, որ Հայոց



Եկեղեցին հոգեփրկչական առաքելությամբ զուգահեռ նպաստել է իր զավակների հոգեմտավոր աճին՝ ապահովելով հավատի, գիտության և գիտելիքի ներդաշնակությունը:

«Մերօրյա բազմաբևեռ և բազմամշակույթ աշխարհում, որտեղ վերանում են նաև սահմաններն ու բաժանարար գծերը, առավել են կարևորվում ժամանակին համահունչ կրթությունը, անհատի ճիշտ և առողջ աշխարհայացքի և կայուն արժեքափայտի ձևավորումը, որպեսզի անձը պաշտպանված լինի անցանկալի ներգործություններից: Գիտության և տեխնոլոգիաների սրընթաց զարգացման հետ մեկտեղ մարդն այսօր ապրում է արժեքաբաժանական լուրջ

ճգնաժամ, հաճախ հայտնվում իր ինքնությունը վտանգող սպառնալիքների առջև: Նմանօրինակ երևույթների ազդեցություններից զերծ չէ նաև մեր ժողովուրդը՝ թե՛ հայրենիքում, թե՛ սփյուռքում: Սպառնալիքներն ու մտայնությունը փորձությունների դուռ է բացել նաև մեր զավակների համար, երբ իրական արժեքները փոխարինվում են կեղծ գաղափարախոսություններով, երջանկությունն ու խաղաղությունը չափելի են դառնում սոսկ շոշափելի, նյութական ապահովվածությամբ: Այս ամենի հաղթահարումը պահանջում է հավաքական, համախումբ ջանքեր՝ ձևավորելու այնպիսի հայորդի և քաղաքացի, որն ունակ է իր

գիտելիքներով ու ազգային մտածողությամբ դիմակայելու ժամանակակից մարտահրավերներին: Մեր կրթության միջոցով փոխանցվող արժեքափայտը պիտի գրավական դառնա ազգի ինքնության պահպանման և հարատևության ապահովման: Երկրում տեղ գտնող խնդրահարույց ընթացքների լույսի ներքո հայրենի կրթական ոլորտում տարերայնորեն ձեռնարկվող քայլերը, որոնցով կամայական մոտեցումները խիստ տարակուսելի են դարձնում դրական վերջնարդյունքների հոյսերը», – ասաց Նորին Սրբությունը՝ ցավ ի սիրտ արձանագրելով, որ այսօր արարողությամբ ներկա պետք է լինեն նաև Մայր Աթոռի Կրթական հար-

ցերի հանձնախմբի ատենապետ Գերաշնորհ Տ. Միքայել արքեպիսկոպոս Աջապահյանը, որը Գերաշնորհ Տ. Բագրատ արքեպիսկոպոս Գալստանյանի, Մայր Աթոռի ազգային բարերար Սամվել Կարապետյանի և մի շարք հայորդիների հետ անհիմն մեղադրանքներով ապօրինի ազատազրկման մեջ է:

Այս առնչությամբ Ամենայն Հայոց Կաթողիկոսը նկատեց, որ այս մտահոգիչ երևույթը մույնպես հետևանք է իշխանությունների կողմից եկեղեցու նկատմամբ վարած քաղաքականության և երկրում ձևավորված անհանդուրժողականության մթնոլորտի:

Վերջում Հայոց Հոգևորապետը կրթության մշակներին հորդորեց հավատարիմ մնալ կրթության ասպարեզում արժեքավոր ավանդներին, արդի գիտության ձեռքբերումների հետ հայորդիների մեջ սերմանել հունդերը հավատքի, հայրենասիրության և ազգասիրության, ինչպես նաև պաշտպանել մատաղ սերնդին խորթ բարբերից ու կործանարար գաղափարախոսություններից, կրթել բարոյական արժեքներով առաջնորդվող, արդարության և ճշմարտության պաշտպան, օրինահարգ անհատներին:

Հավարտ Պատարագի սրբազան արարողության, ի պատիվ հրավիրյալների, տեղի ունեցավ ընդունություն:

Ամենայն Հայոց Կաթողիկոսը շնորհավորել է տիար Սամվել Կարապետյանին՝ ծննդյան 60-ամյակի առիթով

← էջ 1

Ազգագույն և հայրենամաստ Ձեր գործունեությամբ Դուք արժանացել եք մեր ժողովրդի սիրուն ու հարգանքին՝ ազգային բարերարի վսեմ կոչումով: Ձեր արդար վաստակն ի սպաս էք բերել նաև Հայաստանյայց

Առաքելական մեր Սուրբ Եկեղեցու և Մայր Աթոռ Սուրբ Էջմիածնի պայծառությանը: Ձեր եկեղեցասիրությունն ու էջմիածնասիրությունը բացառիկ են ու արարող՝ արդեն իսկ արձանագրված Հայոց արդի պատմության լուսավոր էջերում:

Միածնի Իջման Սուրբ Սեդանի առջև աղոթք ենք ընծայում Երկնավոր Տիրոջը՝ հայցելով շուտափույթ վերադարձ Ձեզ ընտանեկան օջախ: Թող Ամենակալ Աստված պարգևի Ձեզ կենաց արևաշատություն, արիություն ու ամրություն

փորձությունների մեջ և ուժ ու համբերություն՝ սիրելի Կարապետյան ընտանիքին: Թող Բարձրյալ Աստված խաղաղ ու անվտանգ պահի մեր հայրենիքը, արժանապատիվ և բարձր կյանք պարգևի հավատավոր մեր ժողովրդին:

Նոր նշանակում

Ն. Ս. Օ. Տ. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսի հայրապետական տնօրինությամբ Հոգեշնորհ Տ. Դերենիկ արեղա Սահակյանը, ազատվելով Դամասկոսի հայոց թեմում ստանձնած պարտականություններից, ծառայության է կոչվել Իրաքի հայոց թեմում:

Ամենայն Հայոց Կաթողիկոսն ընդունեց «Մեր ձևով» շարժման ներկայացուցիչներին

Օգոստոսի 30-ին Ն. Ս. Օ. Տ. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսն ընդունեց Մայր Աթոռ Սուրբ Էջմիածնի ուխտավորաբար այցելած «Մեր ձևով» ժողովրդական կամավորական շարժման համակարգող խորհրդի անդամներին:

Հանդիպմանը շարժման համակարգող Նարեկ Կարապետյանը Ամենայն Հայոց Կաթողիկոսին ներկայացրեց շարժման իմնական նպատակներն ու գործունեության առաջնահերթությունները՝ միտված հայրենական կյանքում առկա հիմնախնդիրների հաղթահարմանը:

Ամենայն Հայոց Կաթողիկոսն իր օրհնությունը փոխանցեց շարժման ներկայացուցիչներին


և գոհունակություն հայտնեց, որ շարժումը պիտի գործի ազգային բարերար Սամվել Կարապետյանի գաղափարներով՝ ի նպաստ երկրի զարգացման ու առաջընթացի՝ ցավով անդրադառնալով նաև, որ նա շարունակում է ապօրինաբար ազատազրկված մնալ ի պաշտպանություն Հայոց Եկեղեցու դրսևորած իր նախանձախնդիր ոգու համար:

Հայրենիքի առջև ծառացած ներքին և արտաքին մարտահրավերների դիմագրավման համար Նորին Սրբությունն առաջնային և հրամայական նկատեց ազգային միասնականության ամրապնդումը և աշխարհասփյուռ հայ ժողովրդի ներուժի համախմբումը: Այս առումով Վեհափառ Հայրապետը կարևորեց համագործակցությունը

ազգային և հոգևոր կառույցների հետ:

Ամենայն Հայոց Կաթողիկոսը նաև իր գնահատանքը հայտնեց Հայաստանյայց Առաքելական Սուրբ Եկեղեցուն ցուցաբերվող զորակցության, շարժման ռազմավարության շրջանակներում ազգային և հոգևոր արժեքների, ընտանիքի իմաստաբան գործունեության ուղղված առանձնահատուկ ուշադրության համար:

Հանդիպման ավարտին Հայոց Հայրապետը մաղթեց տիար Սամվել Կարապետյանին շուտափույթ վերադարձ ընտանեկան օջախ՝ ընդգծելով, որ Մայր Աթոռը պիտի շարունակի կարելին ի գործ դնել բարերար տիար Սամվել Կարապետյանի և Միքայել ու Բագրատ արքեպիսկոպոսների ազատ ար-



ձակման ուղղությամբ: Նորին Սրբությունն ազգագույն ու արդյու-

նավոր առաքելություն ցանկացավ շարժման ներկայացուցիչներին:

Մայր Աթոռ Սուրբ Էջմիածնի ներկայացուցիչները մասնակցեցին Էկումենիկ շաբաթին



Օգոստոսի 20–25-ը Շվեդիայի մայրաքաղաք Ստոկհոլմում տեղի ունեցավ «Աստծո խաղաղության ժամանակն է» խորագրով Էկումենիկ շաբաթը՝ նվիրված 1925 թ. Ստոկհոլմի Էկումենիկ պատմական համաժողովի 100-ամյակին, որը խոստումնալից սկիզբ էր ժամանակակից Էկումենիկ շարժման համար։ Միջոցառումը կազմակերպել էր Շվեդիայի եկեղեցիների խորհուրդը։

Էկումենիկ շաբաթվա ծրագիրը բազմաբովանդակ էր՝ գիտական և աստվածաբանական միջո-

ցառումներ, լիագումար միստեր և քննարկումներ, որոնց ընթացքում մասնավոր աղոթարարական կատարվեց արդի աշխարհում խաղաղության, արդարության և քրիստոնեական միասնության հրամայական խնդիրներին։

Միջոցառմանը մասնակցում էին տարբեր եկեղեցիների պետեր, հոգևոր առաջնորդներ, միջեկեղեցական գործիչներ, աստվածաբաններ և կրոնագետներ՝ աշխարհի տարբեր երկրներից։

Ն. Ս. Օ. Տ. Տ. Գարեգին Երկրորդ Ճայրագույն Պատրիարք և Ամենայն

Հայոց Կաթողիկոսի օրհնությամբ Մայր Աթոռ Սուրբ Էջմիածնի Էկումենիկ շաբաթվա ընթացքին ներկայացրին Մայր Աթոռի Արտաքին հարաբերությունների և արարողակարգի բաժնի տնօրեն Գերաշնորհ Տ. Նաթան արքեպիսկոպոս Յովհաննիսյանը և Մայր Աթոռի Միջեկեղեցական հարաբերությունների բաժնի տնօրեն Հովհաննիսյան Տ. Գարեգին վարդապետ Համբարձումյանը։

Լրատվական նյութերը՝ Մայր Աթոռ Սուրբ Էջմիածնի տեղեկատվական համակարգի

Երեմիա՝ վերածննդի ձայնը խավարի մեջ Նրա հոգին կոտորված էր ոչ թե թշնամուց, այլ իր ժողովրդի կոտորվածությունից...

Վարդկության պատմությունը միայն թագավորությունների և ժողովուրդների ժամանակագրությունն չէ, այլև Աստծու առաջնորդության սրբազան ուղի։ Ժողովուրդների վերելքներն ու անկումները, ցնցումներն ու զարթոնքները, բոլորն իրենց խորքում կրում են մի ներքին շարժում՝ հոգևոր կենսունակության կամ նրա բացակայության հետևանք։ Այդ իսկ պատճառով Սուրբ Գրքի մարգարեական ձայները երբեք չեն մարում պատմության ընթացքում։ Այդ ձայները միայն անցյալի արձագանք չեն, այլև հավիտենական ուղեցույց մարդկության համար։

Երեմիա մարգարեն հենց այդ ձայներից է։ Նրա խոսքը՝ հուզիչ, խոր ու ցավով լեցուն, հնչում է ոչ միայն որպես դատաստանի զգուշացում, այլև որպես հույս ու ներշնչանք։ Այն մարգարեություն է, որը ծնվել է սիրով՝ Աստծու և Նրա ժողովրդի համդեպ, ու հասցեագրված է բոլոր նրանց, ովքեր կանգնած են արժեքային ճգնաժամի ու հոգևոր լքման եզրին։

Երեմիա մարգարեն ապրեց պատմական այն ժամանակաշրջանում, երբ Հրեաստանն ընթանում էր դեպի անդունդ։ Ք. ա. 7-րդ դարի վերջին և 6-րդ դարի սկզբին Բաբելոնի ժողովուրդը գտնվում էր հոգևոր և բարոյական խոր անկման մեջ։ Աստծու օրենքը մոռացված էր, իսկ կուռքերին զոհ հատուցելը դարձել էր օրինաչափ։ Իրական հավատը՝ որպես կենդանի հարաբերություն Աստծու հետ, մոռացության էր մատնվել, իսկ բարոյականությունը՝ խեղաթյուրվել։

Երուսաղեմի տաճարը՝ մի ժամանակ Աստծու ներկայության խորհրդանշանը, վերածվել էր արտաքին ծիսակատարության կենտրոնի՝ առանց ներքին մաքրության։ Հենց այս դարաշրջանում, երբ մոտենում էր Բաբելոնի սպառնալիքը, և կործանումն անխուսափելի էր, Աստված կանչեց երիտասարդ Երեմիային։ Սակայն մարգարեական առաքելությունը դրսևորվեց։ Երեմիան, կանխորոշված սպասվող դժվարությունները, փորձեց խուսափել. «Մի ասա, թե մանուկ ես, որովհետև պիտի գնաս այնտեղ, որտեղ քեզ կուղարկեն և ինչ որ պատվիրեն քեզ, պիտի խոսես։ Մի վախեցիր մարդկանցից, ես քեզ հետ եմ և պիտի փրկեմ քեզ...» (Երեմ. 1:7–9)։ Աստծու կամքն անշրջելի էր, և այսպես սկսվեց Երեմիա մարգարեի առաքելությունը։

Երեմիան ասում էր այն ճշմարտությունը, որը ժողովուրդը չէր ուզում լսել։ Նրա խոսքը խանգարում էր շատերին, տազնապ էր ներշնչում նրանց, ովքեր նախընտրում էին ապրել իբրև թե խաղաղության մեջ՝ չտեսնելով մոտեցող կործանումը։ Նրա դեմ էին ելնում թե՛ կրոնական իշխանությունները, թե՛ քաղաքական վերնախավը։ Նրան ծաղրում էին և արհամարհում, սպառնում էին և տանջում... Սակայն նա չէր լռում և լռելու իրավունք չուներ. «Ես ասացի. «Չեմ տա Տիրոջ անունը, այլևս չեմ խոսի Նրա անունից»։ Սակայն իմ սրտում կարծես կրակ վառվեց, բորբոքվեց ոսկորներս մեջ, ու ես ամեն կողմից լքված մնացի, չկարողացա հանդարտվել» (Երեմ. 20:9)։

Երեմիան դարձավ մարգարե՝ ողբի, ցավի և մերժման։ Ոչինչ չկասեցրեց նրա հավատարմությունը ճշմարտությանը։ Նրա նպատակը ոչ թե դատապարտելն էր, այլ սթափեցնելը, արթնացնելը, դեպի ապաշխարություն առաջնորդելը և մաքրագործելը։ Շուրջ 45

տարի նա ամենուրեք քարոզեց Աստծու խոսքը՝ ուրացած իր ամեն, կանխատեսեց բարոյազրկված Երուսաղեմի և տաճարի կործանումը, ամեն ջանք գործադրեց՝ կանխելու մեղքերի մեջ թաղված ժողովրդի կործանումը և դարձի բերելու նրան, բայց հալածվեց թագավորի և ժողովրդի կողմից՝ բանտարկվելով ու տիղմով լի ջրհոր նետվելով։ Երեմիայի հոգին կոտորված էր ոչ թե թշնամուց, այլ իր ժողովրդի կոտորվածությունից... Տառապելով ժողովրդի անօրենություններից՝ Երեմիան, այնուհանդերձ, երբեք չլքեց նրան և շարունակ աղոթում էր Աստծուն իր ժողովրդի համար։

Հայ ժողովուրդը, որի պատմությունը հագեցած է ցնցումներով, կործանումներով ու վերածնունդներով, ունի մի յուրահատուկ նմանություն խորալեզվների հետ։ Մենք նույնպես անցել ենք տաճարների կործանման, հայրենազրկման, աքսորի, պատերազմների միջով։ Սակայն այդ բոլոր փորձությունների ու ողբերգությունների մեջ մենք՝ որպես ազգ, չկորցրինք մեզ։ Ինչպես խորալեզվները Բաբելոնի գերության մեջ, այնպես էլ հայերը Դեր Ջորի անապատներում, սիբիրյան աքսորավայրերում ու արտերկրի գաղթօջախներում կարողացան պահպանել իրենց հոգևոր ինքնությունը։


Սեզ համար տաճարը միայն շինություն չէ, այլև հավատքի ու հարության խորհրդանշան։ Երբ այն ավերվում էր, հայ քրիստոնյան իրեն վերածում էր քայլող եկեղեցու՝ Ավետարանը ձեռքին և խաչը սրտում...



Էդուարդ Բենդեման. Երեմիան նստած է Երուսաղեմի ավերակների մեջ՝ պաշարումից հետո, 19-րդ դ.

Երեմիա մարգարեի խոսքերը հնչում են մեզ համար ոչ միայն որպես անցյալի հիշեցում, այլև որպես ուղեցույց ներկայի. «Հենց դարձիր, ով ուխտագրում էսրայել»՝ ասում է Տերը, իմ բարկությունը ես ձեզ վրա չեմ թափի, որովհետև ես ողորմած եմ, ասում է Տերը, իմ հավիտյան ոխ չեմ պահի։ Միայն թե ճանաչիր քո անօրինությունը, որ ապստամբեցիր քո Տեր Աստծու դեմ և ճանապարհներդ փռեցիր օտարների առաջ ամեն կամաչ ծառի տակ, և իմ ձայնի չամսացիք, ասում է Տերը» (Երեմ. 3:11–13)։ Սա կոչ է նաև մեզ։ Սա նաև մեր ժամանակի պատգամն է։

Երեմիայի ամենավառ տեսիլքներից մեկն ուղղված է ապագային. «Այլ սա է այն ուխտը, որ այն օրերից հետո պիտի կապեն Իսրայելի տան հետ, ասում է Տերը։ Իմ օրենքը պիտի դնեն նրանց ներսում և նրանց սրտի վրա



Անհայտ հեղինակ. Երեմիան թագավորին ասում է, որ Երուսաղեմը կգրավվի, 1873 թ.

պիտի գրեն այն...» (Երեմ. 31:33)։ Այս խոստումը, որն իր լույսը գտավ Հիսուս Քրիստոսի մեջ, մեզ հիշեցնում է, որ վերածնունդը միշտ հնարավոր է։ Աստված ուզում է, որ մենք ապրենք ոչ միայն օրենքի գրվածքով, այլև սրտի ներշնչմամբ։ Նա որոնում է ներսից փոխված մարդուն, ներսից վերականգնված ազգին։

լինել։ Այսօր՝ թե՛ արտաքին, թե՛ ներքին մեր սպառնալիքների պայմաններում, Երեմիայի ձայնը վերահնչում է որպես ահազանգ՝ վերադառնալու Աստծուն և մեր ազգային ինքնությանը։ Պատմությունը վկայում է՝ այն ազգերը, որոնք կորցնում են իրենց հոգևոր կոլոնիալությունը, դատապարտված են թուլացման ու ոչնչացման։ Սակայն նրանք, ովքեր վերադառնում են իրենց արմատներին, կարող են գտնել մեր գործընկեր, վերագտնել կյանք ու արժանապատվություն։

Երեմիա մարգարեի գրքի ողբերգությունը վերածվում է օրհներգության բոլոր նրանց համար, ովքեր վերադառնում են Աստծուն։ Այդ գիրքը համարձակություն է տալիս լաց լինելու, սակայն նաև հույս ունենալու։ Դա մարգարեությունն է մի մարդու, որ չխոնարհվեց ճնշման տակ, մնաց հավատարիմ իր կոչմանը։ Դա պատմություն է Աստվածամարդ հարաբերության, երբ Տերը, տեսնելով իր ժողովրդի անկումն ու մոլորությունը, չվաճեց նրան, այլ շարունակեց սիրել։

Այսօր, լսելով Երեմիայի խոսքերը, միգուցե շատ բան մեզ ծանոթ թվա։ Դա պատմի պատմությունն է. դա վերադարձի, ներման և վերածննդի պատմությունն է։ Դա կոչ է մեր ժողովրդին՝ ամուր պահելու ոչ միայն իր հայրենիքը, հավատքը, մշակույթն ու լեզուն, այլև հոգին, վերադառնալու դեպի աղբյուրը, որտեղից սկիզբ է առել մեր ինքնությունը։

Երբ 586 թ. Նաբուգոդոնոսոր արքան գրավեց Երուսաղեմը, Երեմիային ազատ արձակեց բանտից՝ առաջարկելով իր հետ գնալ և պատվով ապրել Բաբելոնում, բայց Երեմիան նախընտրեց լինել իր ժողովրդի հետ։ Հրեաները սպանեցին Նաբուգոդոնոսորի նշանակած կառավարչին ու փախան Եգիպտոս՝ իրենց հետ բռնի տանելով նաև Երեմիային։ Ավանդության համաձայն՝ Երեմիա մարգարեն մահացել է Եգիպտոսում. նրան քարկոծել են իր հայրենակիցները՝ կռապաշտությունը դատապարտելու համար։

Երեմիա մարգարեի հիշատակությունը Հայ եկեղեցին մշտն է վերափոխմանը հաջորդող երկրորդ հինգշաբթի օրը։

**Դավիթ սրկ. ՍԵՐԳԵՅԵՆԿՈ
Հայկ ԾԱՏՈՒՐՅԱՆ**



Նաիրյան սիրո «հանցապարտները» կամ մի քանի դրվագ 1937-ից

Բակունցի դեմ գրական-քաղաքական մեղադրանքներն ուժգնացան 1933 թվականից, երբ ազգային և պրոլետարական գրողների բախումը, աստիճանաբար հասունալույթ, վերածվեց անխուսափելի առճակատման: Ապաշնորհ, ծառայամիտ քննադատությունը, որ այդ տարիներին տեր ու տիրակալ էր հռչակել իրեն գրական ամայացող դաշտում, ջանադրաբար արագացնում էր ստեղծագործ փաղանգի վերացումն ասպարեզից: Այդ զագրելի մրցակցության հետևանքը 1937-ի սպանդն է՝ գլխավոր հերոսների կյանքի ու ստեղծագործության ողբերգական ընդհատումով:

Ովքեր էին քննադատում Բակունցին, և ինչ ողբերգական հետևանքներ ունեցան դրանք գրողի համար: Բակունցի ողբերգության և ընդհանրապես այդ տարիների գրական արյունոտ պայքարում մեղքերի ծանրագույն բաժին ունի Նաիրի Ջարյանը՝ ժամանակի տաղանդավոր գրողներից մեկը, բայց իշխող վարչակարգի խոսափողը: Ամենելի է Ջարյանի դրսևորած վարքագիծը Բակունցի պես անբասիր մարդու և գրողի հանդեպ, և մանավանդ աններելի են մամուլում Բակունցին հասցեագրված մեկը մյուսից խայտառակ այն հոդվածները, որոնց վերնագրերն իսկ բավական են՝ պատկերացնելու դրանց գրադարձականության աստիճանը. «Գրական լեզվի նացիոնալիստական աղավաղումների դեմ», «Ընդդեմ նացիոնալիզմի և տրոցկիզմի, հանուն սոցիալիստական մեծ գրականության», «Կապը կտրած խմբապետը», «Նացիոնալիստը խորհրդային գրողի դիմակով» և այլն: Սույն հոդվածի շրջանակում չծավալվելով անհեթեթության չափերի հասնող, բայց ժամանակին այնքան ծանր հետևանքներ պատճառած այդ հոդվածների բովանդակության շուրջ, խմայելով Ն. Ջարյանին՝ այնուհետև մենայնիվ, անդրադառնանք դրանցից մեկին՝ «Նացիոնալիստը խորհրդային գրողի դիմակով» հոդվածին՝ տալագրված 1936 թվականին.

«Ա. Բակունցը իր գրական ողջ գործունեության ընթացքում օձային հետևողականությամբ թույն է արտադրել իր բոլոր գրվածքներում.... Սահմանների լայնացման հույսը իր սեփական հույսն է, որ նա բերել է իր հետ իր ավանտյուրիստական կուսակցությունից: Իսկ խորհրդային հայ գյուղացին իր սեփական փորձով վաղուց է համոզվել, որ իր խորհրդային հայրենիքի սահմաններում, առանց աչք տնկելու հարևանի հողերին, ազնիվ աշխատանք թափելով՝ նա կհասնի և արդեն հասնում է ունևոր և կուլտուրական կյանքի:Նրա մեջ դեռ ապրում է դաշնակցականների, հայ ժողովրդի այդ ամենախոնարհ թշնամիների ցնդաբանությունը «ծովից ծով Յայաստանի» մասին... Այստեղ նա ձայնակցում է ֆաշիզմի հետ ձուլված, ռասսայական տեսության ծիծաղելի ասպետ Նոդեհին, այդ կարիկատուրային, կիսագրագետ «հայկական Նիցշեին:Բակունցը ոչ միայն մազաչափ չի բարձրանում Բաֆֆու ռասսայական թրջատյացությունից, այլև մի աստիճան ավելի խորն է թաղվում անասնական շովինիզմի թունավոր ճահիճը: Միթե պարզ չէ, որ Բակունցի բերանով խոսում է դաշնակ խմբապետը.... բացարձակ կոչ անելով դեպի Մարութա սարը» («Գրական թերթ», 1936, 20 օգոստոսի, թիվ 19):

Ցավալի է այս ամենի գիտակցումը՝ առավել ևս այն պատճառով, որ սա գրում է Ն. Ջարյանը, և դա այն պարագայում, երբ ինքն անձամբ զգացել էր հայրենիքը կորցնելու ողբերգությունը, տեսել իր ժողովրդի հանդեպ կատարվող ռժիրը, կորցրել հարազատների: Եվ հիմա թուրքական յաթաղանով մորթված մի ողջ ժողովրդի՝ հրաշքով փրկված բանաստեղծ որդին, առանց ինքնաքննադատության մեղքի գզացողության, ծանրագույն հանցանք է համարում բռնազավթված հայրենիքի հիշողությունը, կարոտն ու ցավը: Իր արարքի ծանրությունը կյանքի վերջին տարիներին զգացել է նաև Ջարյանը և զղջման խոսքեր գրել՝ «Ասք Անդրանիկ զորավարի», «Ջրույց մեռած բանաստեղծի հետ», «Ասք ի խորոց սրտի» և այլն:

«Ծիրանի փողը» պատմվածքի ինքնատեսակ քննադատությունից հետո նույն հոդվածում Նաիրի Ջարյանը «Որդի որոտման» վիպակի մասին գրում է. «Որդի որոտման,— այս ծաղրական մականունով է կնքել Ա. Բակունցը գյուղի սոցիալիստական վերակառուցմանը նվիրված կոմունիստին: Եվ Բակունցը թշնամական ատելությամբ ջախջախում է նրան:Դաշնակցական իժմ առանց հրաժարվելու իր թույնից և անգամ չփո-

խելով իր շապիկը՝ սողացել է մեր կուսակցության սրբազան ծոցը: Դավաճանները բացել են դռները նրա առաջ և նրա օձային մեղադրությունը ծածկել են խորհրդային լուսավոր քաղաքացու պսպղուն շապիկով.... Կուսակցության լավագույն զավակները տարիներ շարունակ տեսել են նրա խայթոցները, շոշափել են նրա թույնը մեր գրականության մեջ, ցանկացել են պատռել նրա շապիկը, թունազրկել նրան: Բայց Ա. Խանջյանն իր լավեյների միջոցով և իր անմիջական միջամտությամբ փակել է մարդկանց բերանը և դաշնակցական օձի ուներին զգել է խորհրդային գրականության վարպետի շլացուցիչ ծիրանին.... Պատռված է Ա. Բակունցի շապիկը, և նա երևում է իր օձային քստմենտի մերկությամբ» (նույն տեղում):

Բակունցի դեմ ուղղված այս հոդվածը մատնանշում է նաև Ջարյանի մյուս մամա հոդվածների բովանդակությունը: Ջարյանի «բակունցագիտությունը» ժամանակին հաղթեց, և Բակունցին գնդակահարեցին, Բակունցի ստեղծագործության վրա կողպեք ամրացրին: Բայց դա ժամանակավոր հաղթանակ էր և ժամանակավոր պարտություն: Այդպես է, որովհետև վերջնական հաղթանակը մնացած բոլոր ժամանակներում վերապահված է ոչ թե վարչական բռնի ուժին, այլ Բակունցի պես գրական ու մարդկային տեսակին:

Բակունցի արվեստը «ոչնչացնող» գրաքննադատների թիվն այդ տարիներին միայն Նաիրի Ջարյանով չէր սահմանափակվում: Հանդես եկան բազմաթիվ ուրիշ «վայ» քննադատներ, որոնք իրենց հրապարակային ելույթներում և մամուլում ամփնա հարվածներ հասցրին Բակունցին այն օրերին, երբ Երևանի բանտի դաժան պայմաններում նա ողբերգականորեն ապրում էր իր կյանքի վերջին ծանրագույն պահերը: Այսպես, 1937 թ. հԱՄԳ գրողների միության վարչության չորրորդ նիստում ելույթ է ունենում ՀԽՍՀ վարչության առաջին քարտուղար Գ. Աբովը և դարձյալ հուլիսում Բակունցի անունը. «Նացիոնալիստ-դաշնակ Բակունցը իր «Ծիրանի փողը» պատմվածքում հակադրում է այսպես կոչված Թուրքահայաստանը մերկա խորհրդային Հայաստանին, կոչ անում վերադառնալ այդ երկիրը»: Բակունցի հասցեին ամենուրեք հինչում են մշտափողով մեղադրանքներ՝ հակահեղափոխական, տրոցկիստ, նացիոնալիստ, միջազգային կապիտալի գործակալ, վնասարար, գրողների միությունը շահատակությունների ասպարեզ դարձնող և այլն: Բակունցի դեմ ուղղված այդ բոլոր հոդվածների հեղինակները, լրացնելով միմյանց, միանշանակ նույն մեղադրանքներն էին հորջորջում, և նրանց շրջանակը օրըստօրե ողբերգազավեշտական չափերով համալրվում էր, քանի որ Բակունցին և ազգային մյուս գրողներին քննադատելը դարձել էր շատերի համար ցանկալի դիրքեր ձեռք բերելու կամ սեփական ես-ը քաղաքական հետապնդումներից փրկելու եղանակ:

Բանտի դաժան կանոնակարգը, բռնությունները, ճնշող հարցաքննությունները, առերեսումները, հոգեկան ծանր մտատանջությունները և շուրջը տիրող կասկածի մթնոլորտը բոլորովին հյուծել էին Բակունցին. կեղծված էր ոչ միայն ֆիզիկապես, այլև հոգեպես: Իսկ անարժան ու չնչին հակառակորդներն օրըստօրե ավելի էին բարձրացնում իրենց աղմկալի ձայնը: Այդ օրերի ոչ մի ցուցմունք-վկայություն չի կարող ստվեր նետել Բակունցի պես մարդու բարոյական պայծառ նկարագրի վրա. ով գիտե, հոգեկան ու ֆիզիկական ինչպիսիք վիճակում է եղել Բակունցն այդ հարցաքննությունների ժամանակ: Հայտնի է՝ ամառը կային ինչ եղանակներով էին մեղադրյալներից պոկում ցուցմունք-վկայություններ. ՆԳԺԿ-ի մարմիններին հանձնարարված էր՝ կալանավորներին խոշտանգել այնքան, մինչև նրանք հաստատեին իրենց վերագրվող մեղադրանքները. «Հոկտեմբերի սկզբին,— պատմում է Բակունցի կինը,— ես նրան ուտելիք և սպիտակեղեն տարա և հետ ստացա պայուսակը՝ կեղտոտ սպիտակեղենով: Գալով տուն՝ սպիտակեղենի վրա հայտնաբերեցի արյուն:Այսպես անճանաչելի էր, բոլորովին կոտրված, կիսախելագարի պես: Կարծես ուրիշ մարդ էր» (Ռ. Իշխանյան, Մեր ինքնության գլխավոր նշանը, Ե., 1991, էջ 270—271): Առերեսումների, մեկը մյուսի դեմ հորինվող ցուցմունքների, ֆիզիկական բռնի ուժի գործադրության, հարազատների աքսորի ու մահվան սպառնալիքների՝ խելագարության հասցնող մթնոլորտում քչերը կարողացան պահպանել ոգու կորույթը: ➔ էջ 6

Ամեն մեկս մի թզենի ենք...

Այդ օրը քաղաքն արթնացավ առանց քահանայի: Շատերը չիմացան՝ ինքն էր հեռացել, թե՛ իրեն տարել էին:

Քաղաքը դատարկ էր: Վաղմջական ժամանակներից զանգերը միշտ ղողանջել էին քահանայի ներկայությամբ: Այդ առավոտ զանգերը չէին ղողանջում: Չանգերը հնչում էին դատարկ, անհոգի... Չէին էլ գուժում...

Հոտը մոլորված էր, բայց կենսունակ: Ձիերը վրնջում էին ամեն օրվա պես, կանաչ քիչքիչում էին ամեն օրվա պես:

Քաղաքը, ըստ ավանդության, երեկոյան խմել էր Նեռի տված ջուրը... ու կուրացել:

Հոտը փնտրում էր իր հոգվին ու չէր գտնում:

Չանգերը էլի ղողանջեցին:

Քահանան, ինչպես միշտ, կանգնած էր եկեղեցու գավթից դեպի գլխավոր դուռը տանող ձախ սյան կողքին, կանգնած էր խոնարհ ու անվորդով:

Երեմակ աղավինն սյունից սյուն էր թռչում, որ չվանդակեն:

Չարմանալի խաղաղ էր եկեղեցու բակը: Քամին բերում էր տուղտի ու մասրենու կորած բուրմունքը:

Ոչ մեկը չէր տեսնում եկեղեցու դռան ձախ կողմում կանգնած քահանային, թունավոր ջուրը փակել էր բոլորի աչքերը:

Եպիսկոպոս Սմբատյանի հայացքի ներքո՝ եկեղեցու բակի աղբյուրի ջուրը մյուռնի համ ուներ:

Հրապարակում հարսանիք էր: Եկեղեցում ժամերգություն: Քահանան հսկում էր երեկոյան ժամերգությունը: Հագին բաց մոխրագույն կապա էր...

Հասնիկ Մելքոնյան

....Օ, էրբ է Մարը եղել
Մեր հիմքում նման հոր փորող,
Մեզ ոչ ոք այսպես չի նեղել,
Ինչպես այդ հարճորդին կարող:
Սև կառքի կառապան կտի,
Բազմել է ցարերի գահին,
Լափում է որձակը մեր մտքի,
Ջրկում է մեզ հունդից ազգային:
Ինչ անի նստվածքը ռամիկ՝
Կավատի դավից անտեղյակ,
Արև էր, դառել է մահիկ,
Աշխարհում՝ մնացել մենակ:
Օ՛, ո՛ր եք, աստղեր, արևներ,
Իջնում է ազգիս երեկոն,
Եվ եղավ չլսված մի Նեռ
Թիֆլիսից մեղճակատ կինտոն...

Ե. Չարենց, 1937 թ.

1920—1930-ական թթ. հայ ազգային գիտակցությունը խորհրդային վարչակարգի կողմից ահաբեկչության էր ենթարկվում բոլոր առումներով, գործադրվում էին բոլոր միջոցները՝ խսպառ ջնջելու ցեղասպանության և կոռուսյալ հայրենիքի հիշողությունը: Թուրքիայի կողմից ցեղասպանված ժողովրդի սերունդը վերստին սպանդի էր ենթարկվում նրա դաշնակից ԽՍՀՄ-ի կողմից, իսկ ցեղասպանության նվազագույն հիշողությունն անգամ դատապարտվում էր իբրև ռասսիզմ: Արևմտահայաստանի, ինչպես և Կարսի, Նախիջևանի, Ղարաբաղի, Ջավախքի՝ Հայաստանին վերամիավորման գաղափարը, գաղթականության վերադարձի հույսը ծննդավայր դատապարտելի էին որպես հայկական նացիոնալիզմ: Այս մեղադրանքով հազարավորների հետ թիարան թշվեց նաև խորհրդային Հայաստանի ստեղծագործ փառանգը՝ Չարենց, Բակունց, Թոթովենց, Մահարի, Չաբել Եսայան, Լեռ Կամսար և ուրիշներ:

Ամփխտելի է՝ 1937 թ. օգոստոսի 9-ը մեր ժողովրդի պատմության մեջ նույն է, ինչ 1915 թ. ապրիլի 24-ը. այդ տարեթվերը խորհրդանշում են հայ ազգային փաղանգի ձերբակալությունն ու սպանող խորհրդային և թուրքական բռնատիրությունների օրոք...

«Ծանր է, շատ ծանր.... Փաստը մնում է անշրջանցելի. ես մեկուսացված եմ: Այստեղից սկսվում է ամոթի տանջալի գիտակցումը, միևնույն անգամ բանտարկման փաստի վերապրումը: Օտարված եմ հանրությունից, ամոթը ստվեր է զգում նաև արված լավի վրա, ստվերում քո մասին եղած հիշողությունը: Մտածում ես մեկ ժամ, երկու, երեք, մեկ օր, երկու օր, մտածում ես հիմարանալու աստիճանի, մինչև հիշողությունդ փոկ է գալիս, և չգիտես՝ գիշեր է, թե՛ ցերեկ, միայն պարզ գիտակցում ես, որ կյանքը մնաց փակ դռան ետևում.... Միտքս միշտ տանջալիորեն շաղափում է ֆիզիկական ցավի աստիճանի հասնող միևնույն խոհը. ինչ է լինելու ինձ հետ: Արդյո՞ք ինձ հնարավորություն կտրվի գործով, այսինքն՝ գրական աշխատանքով ապացուցել, որ ես գրականության թշնամի չեմ: Գոյության միակ նպատակը մնում է գրականությունը.... Ինձ գրելու և կարդալու հնարավորություն տվեք, ինձ գիրք ու մատիտ տվեք...»,— սրանք տողեր են ձերբակալված Ակսել Բակունցի բանտային դիմում-նամակից՝ գրված 1936 թ. հոկտեմբերի 6-ին: Իր կյանքի ծանրագույն պահերին անգամ Բակունցը հավատարիմ մնաց իր էությանը, գլուխ չխոնարհեց ոչ մի բռնակալի և ոչ մի բռնակարգի առջև, քայլեց իբրև մերկ ճշմարտություն ժամանակի փողը ու մեծ դիմակահանդեսներում, մնաց այն, ինչ կար՝ իր պայծառ մտքով ու անբասիր վարքով...

Իսսիսկ փրդ. Պողոսյան. Պատումներ

Ոչինչ էլ չէր պատահել

Քահանան համըընթաց մոտենում էր բան-տի մռայլ միջանցքին, որտեղ հարյուրավոր մարդկանց հայացքներին խառնաշփոթ մտա-ծումներ էին դրոշմված, այնպես, որ ոչ մեկը չէր կարող իսպառ թաքցնել իր ներսում եղածը։

Շատ-շատերն իրենց ընտրությունը կա-տարել էին առանց խուսաճավելու։ Եվ ճա-կատագիրը նրանց բերել էր այստեղ, ուր միջանցքները տանում էին դեպի մենության խորքերը։

Ոմանց շուրթերից ժամանակ առ ժամա-նակ լսելի էին լինում աղոթքի ցածրաձայն մրմունջներ, ոմանք լուռ ափսոսանք էին ապրում, ոմանք, տարիներ շարունակ բախ-վելով անդեն անցյալին ու անհույս ապագա-յին, չէին կարողանում հաշտվել իրականու-թյան հետ։ Եվ ըստ էության կտրված լինելով արտաքին աշխարհից՝ միայն քահանայի ներկայությամբ է, որ մխիթարվում էին։ Բայց մի բան միանշանակ և ընդհանրական էր. յուրաքանչյուրի սրտում թաքնված էր միայն իրեն հայտնի ճշմարտությունը։

Երբ դուռը բացվեց, դատապարտյալը նստած էր անկողնում. դեմքը՝ խոժոռ, աչ-քերը՝ փակ։ Քահանան, կանգնելով նրա դի-մաց, դյուրությամբ զգաց ներսում ծանրա-ցած տառապանքը։

— Թադևո՛ս, եղբայրս, ինչպե՛ս այստեղ հասար։ Ինչո՛ւ ես ապրում այդ դժոխքում՝ առանց փրկության հույսի,— հարցրեց խոր կարեկցանքով։

Քահանայի ձայնը բեկված էր։ Տպավորու-թյուն էր, որ ինքն անգամ չէր հավատում իր իսկ արտաբերած խոսքերին։ Թադևոսը եր-կար լռելուց հետո բարձրացրեց գլուխը։ Նրա արյունակալած աչքերում ցավն ու անձկու-թյունն արցունքի տեսքով սառել, մնացել էին։ Այդուհանդերձ ոչինչ չասաց։ Քահանան հանդարտ նստեց նրա կողքին՝ առանց ակն-կալիքի, առանց մի խոսք ասելու։ Նստեց, խաղաղ լռեց, բայց այդ լռությունն ավելի խոսում էր։

Երբ լքեց խուցը, հասկացավ, որ մի տա-րօրինակ շնչառությամբ է համակվել։ Բան-տապահների լուռ անտարբերությունն այլևս

չէր անհանգստացնում նրան։ Ով է գալիս, ով է գնում, դեմքի ինչպիսի արտահայտու-թյուն ունի... Միայն զղջում էր, որ չի կարո-ղացել շահել երիտասարդ քննիչի բարեհա-ճությունը՝ երեք մոր կալանավորվածներին տեսակցելու համար։ Չասել էր մինչև խցերի դռներին, բայց չէր կարողացել բառ, տառ, հայացք անգամ փոխանակել։

— Հիմա ի՞նչ,— ասել էր կարճ ու հատու։

— Նրանք դեռ պատրաստ չեն,— հետևել էր նույնքան կարճառոտ պատասխանը։

Դժկանությամբ տարուբերել էր գլուխը...

— Ես եմ որոշում՝ ով ո՛ւմ պետք է հանդի-պի, ու դրա համար հիմքեր կան,— դարձյալ հետևել էր քննիչի խոսքը։

Քահանան այլևս բան չէր խոսել։ Այդ պա-հին միայն մի մտածում էր ունեցել. «Ինչո՛ւ մարդիկ պետք է այս օրի հասնեն, ինչո՛ւ...»։ Դա մի հարց էր, որին մարդկանց սփոփելու ճանապարհին ինքն էր տարբեր առիթներով պատասխանել և այնքան լրիվությամբ։

Օրը տարաժամել էր։ Քահանան գլխիկոր հեռանում էր, բանտապահները դարձյալ անցնում էին նրա կողքով։ Ոմանք փոր-ձում էին խոսակցել, ոմանք՝ ժպտալ, ոմանք՝ շնորհակալ լինել կամ հաջողություն մաղթել. ասես ոչինչ էլ չէր պատահել։

Նրան այլևս չէր անհանգստացնում կա-լանավորվածներին չտեսակցելու փաստը, թեև դա էլ տակավին իր ուրույն տեղն ուներ։ Նա ավելի տագնապած էր այլ բանից՝ ասես ոչինչ էլ չէր պատահել...

Ճշմարտությունը, Սուտը և Կեսճշմարտությունը

Հին ժամանակներում երեք ընկերներ կային՝ ճշմարտությունը, Սուտը և Կեսճշ-մարտությունը։ Մի անգամ նրանք որոշեցին մրցել՝ տեսնելու, թե ով ավելի մեծ համարում ունի մարդկանց կյանքում։

Ճշմարտությունը կառուցեց քաղաքներ, հայտնագործեց օրենքներ, սերմանեց սեր ու բարություն, բայց այս բոլորի ուսանումն ու պահպանումը մարդկանցից խիզախու-թյուն, ջանք ու եռանդ էին պահանջում։ Շա-

տերը չէին էլ հասկանում նրա ասածներն ու արածները, բայց մի ներքին մղումով ընդու-նում էին, որ առանց նրա ամեն բան կորցնե-լու է իր դերն ու նշանակությունը։

Սուտն սկսեց խոստումներ շռայլել, սար-սափներ տարածել և ձևանալով առաջնորդ ու փրկիչ՝ իր հետևից շատ մարդկանց տա-րավ։ Այդուամենայնիվ, մարդիկ, ժամանակի ընթացքում ճանաչելով, մերժեցին նրան ու հեռացան։

Երբ հերթը հասավ Կեսճշմարտությանը, նա իր ուսերին գցեց ճշմարտության հա-գուստը ու խոսելով Ստի լեզվով՝ շարժվեց բո-լոր այն տեղանքներով, որտեղ ապրում էին մարդիկ։ Նա մարդկանց հրամցնում էր միայն այն, ինչ ուզում էին լսել, և ամեն մեկն իր լածն իրեն հարմար ձևով էր ընկալում։ Այսպես՝ զարկ էր տրվում եսասիրությանը, արդարացվում էր երկչոտությունը, քողարկ-վում՝ անարդարությունը.... Մարդիկ ամե-նից ավելի սիրեցին նրան՝ ասելով. «Ահա ճշմարտությունը՝ առանց ցավի, և գիտելիքը՝ առանց պատասխանատվության»։

Տեսնելով այս ամենը՝ Սուտն ասաց.

— Կեսճշմարտությունն ինձմից շատ ավե-լի զորավոր դուրս եկավ։ Նրան ավելի են վստահում։

Իսկ ճշմարտությունը, լուռ հառաչելով, մտածեց. «Մարդիկ ըստ արժանվույն կգնա-հատեն ճշմարտությունը և կուսանեն տար-բերել սուտն ու հատկապես կեսճշմարտու-թյունը գեթ այն ժամանակ, երբ ստիպված կլինեն իրենց ուսերին տանել նրանց հե-տևանքների բեռը»։

Սպիտակ գահը

Շատ ժամանակ առաջ մի երկրում, որի անունը վաղուց ի վեր ոչ ոք չէր բարձրաձայ-նում, իշխանության եկավ մի մարդ՝ Ընկրկում անունով։ Նա խոստացավ արդարություն, գթություն ու անողոք պայքար անարդարու-թյան դեմ, և հաջողվեց շահել մարդկանց համակրանքը։ Ժողովուրդը խանդավառվեց՝ կարծելով, թե իր համար վերջապես նոր ժա-մանակներ են եկել։ Բայց կարճ ժամանակ

անց, բարձրանալով փղոսկրյա գահի վրա, Ընկրկումը ձևավորեց կառավարող յուրա-յինների մի խումբ, որոնք թեև սկզբնապես դարձան «ժողովրդի ձայնը», բայց հետագա-յում երբևէ հաշվի չնստեցին մարդկանց հետ։ Անհնազանդներին ու ըմբոստացողներին մե-ղադրեցին հակապետական քարոզի ու գահից հափշտակել ցանկանալու մեջ և բանտարկե-ցին։ Իսկ դժգոհողներին ասացին, թե իրա-վունքը ոչ միշտ է հանրությամը հասանելի։

Այնպես եղավ, որ մի օր առաջ եկավ մի մտածող՝ Դիմադարձ անունով, որը տպագ-րեց մի գրքույկ՝ «Սպիտակ գահի ստվերը» վերտառությամբ։ Այստեղ նա գրում էր, որ «Ոչ մի գահ էլ մաքուր ու ապահով չէ, քանի դեռ նրա տակ ամբարված լռություն կա։ Իսկ ժողովրդի լռությունը ոչ թե իշխանության հաղթանակի վկայությունն է, այլ հիասթափ-ված լինելու նշան»։ Թեև գրքույկը կարճ ժա-մանակում լայն տարածում գտավ, սակայն հետագայում արգելվեց։ Իսկ հեղինակը ձեռ-բակալվեց՝ հասարակական պառակտում սերմանելու պատճառաբանությամբ։

Այդուամենայնիվ ժողովուրդը չընդվգեց. ոչ մի զանգվածային բողոք, ոչ մի անկարգու-թյուն տեղ չգտավ մարդկանց կյանքում։ Բայց ժամանակի մեջ քաղաքները դարձան լուռ ու անհույս, մարդկանց դեմքերը՝ համր ու հնա-զանդ, մշակույթն ու գրեթե ամեն բան՝ ձևական։

Ու մի օր էլ թագավորը վերջապես հասկա-ցավ, որ թեև ինքը դեռ գահին է, բայց շուրջ-բոլորը դատարկ է։ Ոչ ոք չի հավատում, չի ամսում և չի արձագանքում իրեն։ Այդ ժա-մանակ հարցրեց խորհրդականներից մեկին.

— Նրանք դեռ ինձ սիրում են, այնպես չէ՞։

Խորհրդականը խոնարհվեց.

— Նրանք լռում են, տեր։ Եվ լռությունը եր-բեմն սիրո և հարգանքի նշան է։

Այդուհանդերձ թագավորին հաջողվեց խորհրդականի աչքերի մեջ կարդալ իր հարցի իրական պատասխանը՝ անվստա-հություն, վախ և անսահման ատելություն, որը մեծապես ահաբեկեց նրան։

Շատ կշարունակվեր այս ամենը, թե ոչ, ոչ ոք չգիտի, բայց հաջորդ օրվա առավոտյան թագավորական գահը տվորականից ավե-լի էր փայլում... ➔
էջ 8

Յակոբ Պատրիարք Նալեան. Ներելի մեղքերու մասին

Ներելի մեղքը փոքրագոյն յանցանք է, որ մարդուն դժոխքի պարտական չ'ըներ, ինչ-պէս, օրինակ, փոքրիկ տղաները, որոնք ան-գիտութեամբ կը մեղանչեն, իսկ մեծ մարդոց պարագային, ինչպէս դատարկաբանութիւնը, ծաղրածութիւնը եւ շատախօսութիւնը կամ տգիտութեան եւ անկարութեան պատճառով եղած մեղքը [դժոխքի պարտական չեն ըներ]։ Սակայն պոռնկութիւնը, որ երբեմն տկարու-թեան պատճառով կ'ըլլայ, մահացու մեղք է։ Բայց զգոյշ եղիր, քանի որ ինչպէս ծաղիկնե-րէն պտուղ յառաջ կու գայ, այդպէս ալ մերե-լի մեղքերու տովորութենէ՛մ մահացու մեղք։ Որովհետև շատ յաճախ բամբասանքէն մարդ մեռած է։ Բոլոր մեծ բաները փոքր բաներէն յառաջ կու գան, եւ իւրաքանչիւր մեծ բան փոքրէն կը մեծնայ։ Ինչպէս որ կայծէ մը մեծ կրակ կը բորբոքի, կամ կաթիլէն լիճ կ'ըլլայ, այդպէս ալ մերելի մեղքերու տովորութենէն կա-մաց-կամաց մահացու մեղք կը ծնի։ Օրինակ՝ խեղկատակութենէն եւ ցոփաբանութենէ՛մ՝ հայ-հոյութիւն. հայիոյութենէ՛մ՝ կռիւ, իսկ կռիւէ՛մ՝ արինահեղութիւն։ Տակաւին, մերելի մեղքը միայն բերանիմը չէ, այլ՝ աչքերունը, ականջ-ներունը, քիթիմը եւ շօշափելիքներունը։

Աչքերուն մերելի մեղքն է՝ ծածուկ կերպով նայիլ ոեւէ կնոջ՝ առանց ցանկալու միտում ունենալու, որ սակայն եթէ քիչ մը երկար նայեցար, ու սիրտդ պղտորեցաւ, բայց հա-ւանութիւն չի տուիր, մերելի է. իսկ եթէ հա-ւանութիւն տուիր, մահացու է։ Աղքատ մը տեսար եւ ողորմութիւն չի տուիր, քանի որ չունէիր. սակայն, եթէ խօսքով չմխիթարեցիր, մերելապէս մեղանչեցիր։ Մեղաւորին տեսար չար գործ ըրած ատեն, աչքդ տեսաւ, բայց սիրտդ չկսկծեցուց հոգիդ, եւ կամ տեսար մե-ղաւորին պատիժն ու ուրախացար եւ չվախ-ցար պատիժէն, մերելապէս մեղանչեցիր։

Ականջներուն մերելի մեղքն է՝ թէեւ չբամ-բասեցիր, չհայիոյեցիր, սակայն բամբասո-ղին միամտաբար ականջ դրիր եւ եթէ հաւա-

նութիւն տուիր, մահացուօրէն մեղանչեցիր, իսկ եթէ հաւանութիւն չտուիր, մերելապէս մեղանչեցիր։ Այսպէս է նաեւ հայիոյելը, տրտունջ, զանգատ եւ զազրաբանութիւն լսելը։ Կամ եթէ բարի խրատներու եւ քարոզի ժամանակ ծովութեամբ բնացար, այսինքն՝ որպէսզի չլսես քնանաս, մահացուօրէն կը մեղանչես եւ ո՛չ թէ մերելապէս։

Քիթին մերելի մեղքը ծաղիկներու եւ անու-շահոտ բաներու հոտէն հաճոյք ստանալն է, ո՛չ թէ ատոնց վերաբերելով Աստուծոյ փառ-քին համար, այլ հոտոտելիքներուն հեշտու-թեան համար. սակայն քիթով հեշտանալն ու իզանալը մահացու մեղք է, եւ կամ բղջա-խոհութեան պատճառով իւղեր հոտոտալ, եւ կամ աղքատներու հոտէն զգուիլ ու քիթը փա-կել։ Թեւե բնութիւնը կը զարշի վատ հոտէն, սակայն եթէ հոտին չդիմացար Աստուծոյ փառքին համար, մերելապէս մեղանչեցիր։

Ի վերջոյ, այս իմացիր, որ այն բանը որ հո-գիին ու մարմինին շահ չէ եւ քիչ մը վնասի մօտ է, մերելի մեղք է։

Մեծամեծ վեմերէն կը խորշիս եւ գետերէն գերծ կը մնաս. թերևս աւազով սուզուիս եւ առուներէն ընկղմիս։

Այն մեղքերուն մասին, որ կ'աղաղակեն Աստուծոյ

Առաջիմը կամաւոր մարդասպանութիւնն է, ինչպէս Կայէնին Աբելին սպաննելը, որու հա-մար Աստուած ըսաւ, թէ՛ եղբօրդ արեան ձայ-նը երկրէն կը բողոքէ Ինծի։ Ըսել կ'ուզէ, թէ վրէժխնդրութիւն եւ դատաստան կ'ուզէ։

Երկրորդը՝ սողոմական չար մեղքը, ինչ-պէս Աստուած Աբրահամին ըսաւ, թէ՛ սողո-մացիներուն եւ զոմորացիներուն աղաղակը Ինծի հասաւ. որովհետև Աստուծոյ կանոնին հակառակ էր սողոմացիներուն մեղքը։ Թէեւ ամէն տեսակի մեղք Աստուծոյ դէմ է, սակայն

Տակաւին, թէեւ բոլոր մեղքերը Աստուծոյ դէմ են՝ երեքին եւ մէկին, սակայն, անկա-րողութեան մեղքը Յօր Աստուծոյ դէմ է, ան-գիտութեանը՝ Որդիին, իսկ մեղքը կամաւո-րաբար եւ կարողութեամբ գործելը՝ Սուրբ Յօգիին։ Յետևաբար Սուրբ Յօգիին դէմ եղող մեղքը կամաւորաբար, գիտութեամբ եւ կա-րողութեամբ գործուած մեղքն է, եւ ասիկա՝ անմերելի կ'ըստի։

Նախ՝ Քրիստոս կ'ըսէ, թէ Յօգիին ուղղուած հայիոյութիւնը պիտի չներուի։

Երկրորդ՝ Պօղոս առաքեալը կ'ըսէ, եթէ ճշմարտութեան գիտութիւնը ընդունելէն ետք կամակար միտքով յանցանք գործենք, այլևս ասոր համար մեղքերու պատարագ պէտք չէ, այլ՝ դատաստանի ահեղ անկակալութիւնը։

Տակաւին, անմերելի մեղքերու տեսակնե-րը, որ Սուրբ Յօգիին համար հայիոյութիւն կ'ըստին, վեց կերպ են։

Առաջիմը յուսահատութիւնն է. այսպէս էր Կայէնի ու Յօւլայի մեղքը, քանի որ Կայէնը Աբելին սպաննելէն ետք, ըսաւ Աստուծոյ, թէ՛ իմ մեղքս անելի մեծ է, քան Քու թողութիւնդ, այլ խօսքով՝ մեղքս անելի մեծ է, քան Քու ողորմութիւնդ։ Իսկ Յօուան, յուսահատելով Քրիստոսի ողորմութենէն, գնաց ինքզինք կախեց ու խեղդուեցաւ։ Սակայն մեղքերուն թողութիւն շնորհելը Սուրբ Յօգիին շնորի-քէն է, եւ ով որ կ'ըսէ, թէ՛ մեղքերուս թողու-թիւն չըլլար, կարծեք թէ կ'ըսէ՛ Սուրբ Յօգին տկար է եւ չի կրնար իմ մեղքս ներել։

Երկրորդը յանդգնութիւնն է, որ է յամա-ռութիւն, որ մարդ Աստուծոյ արդարութիւնը կ'ուրանայ եւ չարաւծար Աստուծոյ ողորմու-թեան կ'ապաւիճի՝ առանց բարի գործերու, առանց ապաշխարելու՝ կարծելով, թէ կը փրկուի, սակայն դժոխքի կ'արժանանայ։ Կամ՝ ինքզինք ծով կը նետէ ու կ'ըսէ՛ եթէ պէտք է, թող Աստուած ազատէ զիս։ Ասիկա զԱստուած փորձել է եւ Աստուծոյ արդարու-թիւնը ուրանալ է։ ➔
էջ 7

Երաժշտության զարգացումը սուրբգրային ժամանակաշրջանում



Գյուստավ Մորո. Սալոմեի պարը, 1876 թ.

Սկիզբը՝ թիվ 14

Կանտորի (հրեական սինագոգում՝ գլխավոր երգիչ, որը հաճախ ղեկավարում է երգչախումբը) կամ քահանայի և ժողովրդի միջև անտիֆոնային երգեցողությունները ծագել են հրեական պաշտամունքի մեթոդներից: Անտիֆոնային երգեցողությունը երկու երգչախմբի կամ մեներգչի և երգչախմբի փոխմիփոխ երգեցողությունն է: Սա էլ իր հերթին ծագել է հին հունական ողբերգությունից, որտեղ սովորաբար երգչախումբը բաժանված էր երկու կիսաերգչախմբերի միջև (կիրառվել է նաև հին հրեական տաճարային երգեցողության մեջ): Մեր թվարկության սկզբին այն ներմուծվել է քրիստոնեական մշակույթ (հետառաքելական շրջանում Իգնատիոս Անտիոքացի Աստվածազգյացի, իսկ Կաթոլիկական Եկեղեցում՝ Ամբրոսիոս Մեդիոլանացու միջոցով):

Քրիստոնեական դարաշրջանի սկզբին իր գագաթնակետին հասած Տաճարի բարդ երաժշտությունը կատարում էր տղամարդ բարձրակարգ երգիչներից կազմված մեծ երգչախմբը, որին երբեմն միանում էին տղաներ, և այս ժամանակահատվածում Տաճարի նվագախումբն օգտագործում էր նաև բազմաթիվ գործիքներ:

Փիլոն Ալեքսանդրացին հիշատակել է Ալեքսանդրիայի մոտակայքում ծիսական հսկողությունների մասին, որոնք ներառում էին ճաշ և զույգ երգչախմբի կողմից հիմների երգեցողություն՝ որպես ուղեկցություն երթերին և գինաբերության:

Հայտնաբերված ամենավաղ պատկերագրական նշաններից է նավակի տեսքով տավիղը, որը գտնվել է շումերական կավե տախտակի վրա՝ թվագրված Ք. ա. 3000 թ.: Այս տավիղի ավելի վաղ պատկերը հայտնաբերվել է նաև ժամանակակից հարավարևմտյան Իրանում (Ք. ա. մոտ 3200 թ.): Պաղեստինում հայտնաբերվել են հեղինակաբերական դարաշրջանի երաժշտական գործիքների բազմաթիվ բեկորներ, որոնք մանրամասներ են ներկայացնում ծիսական երաժշտության վիճակի, բնույթի և ավանդույթի մասին: Այլ դեպքերում Աստվածաշնչում հիշատակված հրեական

երաժշտական շատ գործիքներ նույնացվում են այլ երկրների՝ Եգիպտոսի և Բաբելոնի մշակույթներում հանդիպող նմանատիպ գործիքների հետ: Աստվածաշնչում հիշատակված որոշ գործիքների օրինակ կարելի է գտնել Դանիել 3:5-ում. «Երբ լսեց փողի, սրնգի, քնարի, ջութակի, տավիղի, տիկի և ամեն տեսակ նվագարանների ձայնը, վայր ընկեք և երկրպագեք այն արձանին, որ կանգնեցրեց Նաբուգոդոնոսոր թագավորը»:

Ըստ Սուրբ Գրքի՝ Ռոբաղը քնարահարմերի և երգեհոնահարմերի հայրն էր (Ծմնդ. 4:20–21): Քնարը Դավթի սիրելի գործիքներից էր, և դրա օգտագործման մասին Աստվածաշնչում հանդիպում է հարյուրից ավելի անգամ: Այն օգտագործվել է և՛ ուրախ, և՛ սգո արարողությունների ժամանակ, և դրա օգտագործումն իր բարձրագույն կատարելության է հասել Դավթի օրոք: Հենց քնարի քաղցր երաժշտությունն էր, որը Սավուղին զրկում էր իր մելամաղձությունից. «Եվ երբ Աստծու կողմից այն չար ոգին գալիս էր Սավուղի վրա, Դավթը վերցնում էր քնարն ու նվագում իր ձեռքով, և հանգստանում ու լավ էր զգում Սավուղը, և չար ոգին հեռանում էր նրանից» (Ա թագ. 16:23): Երբ հրեաները գերության մեջ էին Բաբելոնում, նրանք կախեցին իրենց տավիղները և հրաժարվեցին օգտագործել դրանք աքսորի ժամանակ, որոնք նախկինում տաճարում օգտագործվող գործիքների մաս էին կազմում. «Եվ թագավորը ալմուգ փայտերից ցանկապատներ շինեց Տիրոջ տան համար ու թագավորի պալատի համար և քնարներ ու տավիղներ՝ երգիչների համար. այդպիսի ալմուգ փայտ այլևս չբերվեց և չի տեսնվել մինչև այսօր» (Գ թագ. 10:12):

Տավիղի դասի մեկ այլ լարային գործիք, որը նույնպես օգտագործում էին հին հույները, քնարն էր: Նմանատիպ գործիք էր վինը, որն ուներ մեծ տանձաձև մարմին, երկար վզիկ և լարավոր գրպան: Երաժշտական գործիքներ պատկերող մետաղադրամներ՝ Բար Կոխբայի ապստամբության մետաղադրամները, թողարկվել են հրեաների կողմից Հռոմեական կայսրության դեմ երկրորդ հրեական ապստամբության ժամանակ՝ 132–135 թթ.: ➔ էջ 7

Նաիրյան սիրո «հանցապարտները» կամ մի քանի դրվագ 1937-ից

← էջ 4

Պարզ է, որ Բակունցի ցուցմունքները նաև «խմբագրել են» ՆԳԿ-ի մարմինները, հարմարեցրել դրանք իրենց նպատակներին, ստիպել ստորագրել պատրաստի արձանագրությունների ներքո:

Բոլոր դեպքերում մի բան վստահությանբ կարող ենք ասել. թե իր տված ցուցմունք-վկայություններում, թե այդ օրերից պահպանված հուշ-պատմիկներում Ակսել Բակունցը կերպավորվում է ողբերգական անհատի դիմանկարով: Մտավոր այդ յուրահատուկ սպանդի մեջ ֆիզիկապես ու հոգեպես կեղեքված գրողը զնաց ինքնափրկության՝ ունենալով միմիայն մեկ նպատակ. «Ես չեմ սպառնում, որ ինձ հանգստացնեն արդեն գրածներով: Թող նա հանգստանա, ով ոչինչ չունի տալու և չգիտի՝ ինչու ստեղծագործել: Ես գիտեմ, որ գրում եմ դեռևս չավարտված գործերի, սկսված և չավարտված գրքերի մասին: Բայց և գիտեմ, որ դիմում եմ կուսակցությանը՝ ինձ զթալու խնդրանքով ոչ անձնական շահերի համար: Ինձ գրելու և կարդալու հնարավորությունն տվեք, ինձ գիրք ու մատիտ տվեք» (Դ. Գասպարյան, Ալեքսանդր (Ակսել) Ստեփանի Բակունց, Մեղադրական գործ № 4131, էջ 55):

Ոչ ոք, սակայն, չէր ուզում լսել ինքնակեղծող տառապանքի այս արդար ձայնը: Իզուր էր Բակունցն ստեղծագործելու հնարավորություն խնդրում. ամեն ինչ կանխորոշված էր վերջնականապես: 1937 թ. հուլիսի 7-ին՝ ընդամենը 25 րոպե տևած հարցաքննությունից հետո, Բակունցը դատապարտվում է պատժի առավելագույն չափի՝ զնդակահարության: Դատավճիռն ի կատար է ածվում հաջորդ օրը՝ հուլիսի 8-ին: Մի ամբողջ օր Բակունցը վերապրել է իրեն սպասող վաղվա ողբերգությունը: Տասնմեկ ամիս Երևանի բանտում հոգեպես ու ֆիզիկապես խոշտանգված գրողը զնդակահարվում է տաղանդի ծաղկման բուռն շրջանում՝ 38 տարին նոր բոլորած:

«Փրանսիացոց լրտես ուզեմաք՝ կլինեմ, ճապոնացոց կլինեմ, հաբեշների լրտես ուզեմաք՝ կլինեմ, թուրքական լրտես չեմ լինի, չեմ լինի, չեմ լինի...» («Նորք», 1989, թիվ 12),— բանտախցից բանտախուց գոռում էր հարցաքննության տարվող Վահան Թոթովենցը:

Վահան Թոթովենցի ամերիկյան տարիները, Ամերիկայի թիկնապահ և թարգմանիչ լինելը, կամավորական կռիվներին մաս-

նակցությունը Արևմտահայաստանում, Թիֆլիսում անգլիական օգնության կոմիտեում իբրև թարգմանիչ աշխատելը, անգամ «Հայաստան» թերթին աշխատակցելը բավարար հիմքեր էին՝ հերյուրելու զազրելի մեղադրականներ: Թոթովենցի «նացիոնալիստական» մտայնությունների դեմ խորհրդահայ միտումնավոր, ծախու գրաքննությունը մոլեգնում էր ամենուր՝ մանուկում, գրական, հասարակական ու քաղաքական ամբիոններից:

1936 թ. դեկտեմբերի 31-ին «Գրական թերթ»-ում «Դաշնակցական տականքը» վերնագրով հրատարակվում է Ա. Ոսկերչյանի հոդվածը, ուր Թոթովենցը մեղադրվում է որպես աջ տրոցկիստական, ահաբեկչական խմբակցության անդամ, մացիոնալիստ, շոփինիստ, ֆաշիստ, ազգային առեղծված և թշնամանքի քարոզիչ, գրական վիժվածք է համարվում նրա «Կյանքը հին հռոմեական ճանապարհի վրա» վիպակը: Այս ամենի ողբերգական հետևանքը Վահան Թոթովենցի զնդակահարությունն է ընդամենը 15 րոպե տևած ձևական դատավարությունից հետո՝ 1938 թ. հուլիսի 18-ին՝ իր իսկ ծննդյան 44-րդ տարեդարձին...

«Ես նախանձում եմ Ստեփան Չորյանին, որ նրա ծննդավայրը՝ Ղարաբլիխում, այստեղ է, այս հողի վրա... Մեր օրոքոցը մնաց այն կողմը: Ու մենք ունենք մի մաշող կարոտ... Ոչ ոք չի խոսում այդ կոտորածների մասին: Միմյեզե մեր սրտից արյուն է կաթում, երբ հիշում ենք... Ինձ հուզում են կոտորածները, ինձ հանգիստ չեն տալիս: Ես վեպ եմ գրում: Միմյեզ չգրեմ՝ հանգիստ չի իջնի ինձ վրա: Դա իմ հոգու պարտքն է, իմ խոշտանգված էության մի մասն է, որ ճշում, կանչում է ինձ»,— սրանք Վահան Թոթովենցի խոսքերն են՝ նրա հրապարակային ելույթից (Ռ. Չարյան, Հուշապատում, գիրք 2, Ե, 1977, էջ 217):

Ինքնակենսագրության ժամը, որով գրված է Վ. Թոթովենցի վեպը՝ «Կյանքը հին հռոմեական ճանապարհի վրա»-ն, անշուշտ, արտաքին կեղևն է միայն, որի միջուկում ցեղասպանության և բռնազաղթի հիշողությունն է, հայրենի կորուստը՝ եզրքների կարոտն ու վերադարձի փափագը: Ինքնակենսագրական առերես տեսակը նաև գաղափարական դիմակայման միջոց էր ազգային ինքնության համահարթեցման ճանապարհին. որտեղից են սերում իրենք, ինչ ճանապարհ է պարտադրվել արևմտահայությանը, ինչ են թողել հետևում: Հետ մայելը գրաքաղա-

քական տվյալ բռնաշրջանում բառացիորեն աղե արձան դառնալու սպառնալիք էր. լինել-չլինելու իրողություն: Ինքնակենսագրությունը գրապատմական այդ շրջանում վերաճում է ժողովրդի պատմության, հիշողությունը՝ հայրենիքի ոգեղեն և իրեղեն լինելության: Անհատական կենսագրությունը համընդհանրացնում է ժողովրդի պատմությունն ու ազգային ճանապարհը, ինքնակենսագիր գրողը դառնում ժողովրդի համահավաք կերպար, նաև ազգային հոգևոր ճանապարհի առաջնորդ:

Այլ կերպ ասած՝ ինքնակենսագրական ժանրով ցեղասպանության և բռնազավթված հայրենիքի հիշողության պահպանումը 1920–1930-ականների բռնաշրջանում քաղաքագիտական մտածողության գեղարվեստական կերպ էր, և անհատական ինքնապատմամի շղարշի տակ 1920–1930-ական թթ. խորհրդահայ ինքնակենսագրական արձակն արձարծում էր համազգային նշանակության խնդիրներ, որոնք են՝ կորուսյալ առարկայական հայրենիքի դեմ՝ հոգևոր անկորուստ հայրենիք, կործանվող ազգային գաղափարաբանության ու պատմության դեմ՝ ազգային ինքնագիտակցություն ու հիշողություն, խորհրդային աշխարհաքաղաքացիության դեմ՝ ծննդավայրի և ծագումնաբանության վերահաստատում:

1937 թ. հուլիսի 26-ին ձերբակալվում է Եղիշե Չարենցը. միջև այդ մի քանի անգամ ենթարկվել էր տնային կալանքի, հարցաքննությունների, առերեսումների: Թե տնային կալանքում, թե բանտում Չարենցն իրեն պահել է հերոսական ու վեհ՝ հակառակ բոլոր սպառնալիքների՝ ոչ մի ցուցմունք-վկայություն չտալով ընկերների դեմ, իսկ ազատության մեկրուստ հայրենիք, կործանվող ազգային գաղափարաբանության ու պատմության դեմ՝ ազգային ինքնագիտակցություն ու հիշողություն, խորհրդային աշխարհաքաղաքացիության դեմ՝ ծննդավայրի և ծագումնաբանության վերահաստատում:

Թմրադեղերի բացակայությունը բանտում հանգեցրել է բանաստեղծի աղետամոռ-սային ուղու քայքայմանը, խորացել են նաև նախկին հիվանդությունները՝ շարունակա-

կան պլերիտը, լյարդի էսիմակոկը, երիկամի բորբոքումը՝ հասցնելով թոքերի կատառալի բորբոքման, որից էլ վրա է հասել մահը: Չարենցի վիճակը ծանրացել է նոյեմբերի 17-ին, ու նրան տեղափոխել են բանտի հիվանդանոց, ուր և առանց բժշկական օգնության, լքված, միայնակ, արյունաքան և ուժասպառ մահացել է՝ չհասնելով զնդակահարության դատավճռի կայացմանը: Չարենցը մեղադրվում էր հակախորհրդային, տրոցկիստական, մացիոնալիստական գործունեության հոդվածներով, նաև՝ 17–65 հոդվածով, որ նշանակում է երկրի ղեկավարության դեմ ահաբեկչական գործողությունների նախապատրաստում: Նման հոդվածներով դատապարտվողները զնդակահարվում էին, հետևաբար՝ եթե Չարենցը չմահանար, պետք է զնդակահարվեր: 1936 թվականին «Ի խորոց սրտի խոսք ընդ Աստուծո» ստեղծագործության մեջ գրում էր.

Վաղ աղջամուղջն այնքան ըղձյալ Այգաբացի Մայրամուտի փոխվեց արյունալի,
Ուր մեր Արևն է նոր տուգվում արյունալի,
Որպես կարմիր գլուխ գլխատվածի...

«1936 թվականի օգոստոսի 9-ի գիշերը ես ձերբակալվեցի... Ես մեղադրվում եմ տեռորի և Հայաստանը Սովետական Միությունից անջատելու և կապիտալիստական աշխարհին միացնելու մեջ: Ես պիտի սպանեի Բերիային»,— «Ինքնակենսագրության» մեջ երգիծանքով հիշում է Գուրգեն Մահարին. «...Թուղթ ու մատիտ չտեսա ես այդ տարիների ընթացքում, բայց անաշխատ էլ չմնացի: Աշխատեցի ես բահով, սողոցով, կացինով, եղանով, երկաթե ձողով, աշխատեցի կոմբային և սերմնագատիչի վրա, և երբ ձեռներս թուլացան, բրուտների համար ուղքով ցեխ հունցեցի... Ես հասկացա, որ մարդն ավելի դիմացկուն է, քան քարը»: Գուրգեն Մահարին աքսորի է դատապարտվում երկու անգամ. սիբիրյան ծանր աքսորը նրանից խլում է շուրջ 18 տարվա երիտասարդ կյանք ու ստեղծագործական բացառիկ հնարավորություն...

1930-ական թվականների ողբերգության վերքերում ցավ կա դեռ, արյուն կա տաք, և դեռ միալու են սերունդների սրտերը, և ցավի հետ օրեցօր զորանալու է Չարենցի, Բակունցի, Թոթովենցի և հայրենասիրության համար դատապարտվածների ձայնը...

ՆԱՐԻՆԵ ՀՈՎՀԱՆՆԻՍՅԱՆ, Բ. Գ. Թ., դոցենտ

Իսահակ վրդ. Պողոսյան. Պատումներ

← էջ 5

Լույսը և հույսը ցրում են խավարը

Բանտախցում լույսը չէր: Միայն երբեմն լսվում էին երկաթյա դռների հեռավոր ճռնչումը ու կաթսայով ջուր բերող հսկիչի քայլերը: Խցի պատերն իրար ագուցված սֆինքսի էին նման, իսկ ճաղերը՝ վեր ընծյուղված աղորոշ ձեռքի մատների, ուր լույսը չի մոլորվում, այլ դառնում է հուշ, ինչպես հնացած հացի վերջին կտորը: Տարիներն այստեղ ոչ թե անցնում էին, այլ մերժվում մարդու մեջ, ինչպես ժանգ՝ երկաթի:

Չորս հոգով մատնված էին իրար դիմաց, լուռ, ասես շունչները պահած լինեին:

Շաբաթը մեկ անգամ քահանան էր գալիս, անաղմուկ ներս էր մտնում, գլուխ էր խոնարհում ու մատում պատի մոտ: Նա լսում էր խցի շնչառությունը՝ մեղմ ու զսպված, ինչպես ծովի ձայնը գիշերվա խորքում: Ոչ ոքի չէր դատապարտում. պարզապես խոսում էր Աստծուց ու Նրա մերթիջումից: Այդ անգամ էլ մատնված, բացեց իր մաշված գիրքը, բայց չկարդաց: Խոսքը երբեմն ավելորդ է: Նրա ներկայությունը ավելի խոսում էր...

Չետո սկսեց խոսել.

— Աստված ձեզ չի լքել,— ասում էր նա մեղմ՝ ձեռքը տանելով գրպանի փոքրիկ սրբապատկերին,— Նա այնտեղ է, որտեղ մարդիկ մոլորվում են: Մեր ժամանակներում էլ Աստված չէր անհույս թողնում: Նա միայն լույս էր ցրում ու լույսը միշտ էլ բացվում Աստծու դուռը:

Տղաներից մեկը գլուխը բարձրացրեց, աչքերը՝ մռայլ, բայց շարունակ քննող:

— Լույսը:

Քահանան գոհությամբ ժպտաց, քանի որ հարուցել էր նրա հետաքրքրասիրությունը: Դա ժպիտ էր մի մարդու, որը խավարի ներսում լույս էր մշմարել:

— Շշուկն էլ Աստծու հրաշքն է: Երևակայե՛ք, թե շշուկով որքան բան է կատարվում աշխարհում: Ես, անշուշտ, մկրտված եմ, բայց չեմ խոսում: Մեր ժամանակներում էլ Աստված հաճախ շշուկով է գործում՝ այցելելով ամենքիս խղճի ամենախոր գնդաճեղքները:

Չորսի հոգում էլ մի անսովոր իրարանցում

առաջ եկավ: Այդպես պատահում է, երբ աշուն քամին շարժում է մերկ ծառերի կատարներն ու տերևները...

Մեկը հիշեց մոր հոգնատանց ձեռքերի բույրը, մյուսը՝ տան գիշերվա անդորրը, երրորդը՝ մանկության տարիները:

Չորրորդը՝ ամենամոռակազմը, հարցրեց. — Իսկ ի՞նչ անի մարդը, որը մերումի է սպասում, բայց սիրտը քար է կտրել:

Քահանան մի պահ փակեց գիրքը, նրան նայեց, ապա ասաց.

— Քարը մույնպես լույս է, որդյակ: Բայց ժամանակն ու մշտական մի կաթիլ ջուրը բավական են, որ ճեղքեն այն...

Մյուսները ևս ոգի առան ու սկսեցին հարցեր տեղալ ու աշխուժանալ:

— Եթե Աստված իսկապես տեսնում է մեզ, ապա ի՞նչու պիտի մերի,— ասաց նրանցից մեկը:

Քահանան մի պահ լուռ մնալուց հետո ասաց.

— Որովհետև Նա համակ սեր է ու չի սպասում, որ դուք միանգամից կատարյալ դառնաք: Նա սպասում է, որ դուք փորձեք, փորձառությամբ զորանաք, ինչպես որ մարդիկ մախ ծնվում, երեխա են լինում, հետո միայն երիտասարդ ու հասուն տարիքի: Այնպես որ Աստված ձեզ հետ է մույնիսկ այստեղ...

Երբ քահանան հեռացավ, խցում դարձյալ լույսում տիրեց: Բայց այս անգամ լույսումը սառն ու դատարկ չէր: Նրա հետևից ճաղերի միջով կարծես թե ներս էին սահել լույսի մի պատառիկ, հույսի մի մշխար... ու մնացել էին:

Մոռացված լուսաբաց կամ ներսի բանտը

*«Ով ուզում է ազատ լինել, նա իսկապես ազատ է»
Ժան Ժակ Ռուսո:*

Դուռը դանդաղ, ճունջալով բացվեց, դատապարտյալը թեքվեց, բայց կանգ չառավ. շարունակեց գետնին մատնվել փոքրիկ ծաղկամոցը: Ներս մտավ մախ՝ բանտապահը, ապա՝ մի սևազգեստ մարդ՝ ձեռքին մաշված մի Սուրբ Գիրք: Չարմանալիորեն մի տարօրինակ զգացում համակեց քահանային. վայրը, չնայած իր աղուտ քարերին ու երկաթե դռներին, իրականում ոչ թե բանտ է,

այլ ավելի շատ լաբիրինթոս՝ կառուցված մեղկ հիշողությունների, մարդկային սխալների և մոռացության համախառն ճարտարապետությամբ:

— Բարի օր, տղերք,— մեղմ ասաց նա, ու ձայնը կարծես սոսնձվեց, մնաց խցի հիմ պատերին: — Կարող եմ փոքր-ինչ մատնվել ձեզ հետ:

— Եթե խցի պատերը չեն վախեցնում, մտխի,— կիսահեգնական ձայնով ասաց մեկը՝ անկյունում մտած, գլուխը խոնարհած:

Քահանան մտածեց հիմ աթոռակին: Նա խաղաղ էր, բայց աչքերի խորքում հոգնաժողովուն էր նկատվում:

— Գիտե՛ք՝ ինչքան եմ մտածել,— ասաց նա,— բանտախուցը մարդուն չի ուղղում: Եթե նա ուզում է փոխվել, կփոխվի, եթե ոչ, քարն ու երկաթն պատերն անգամ չեն կարող խանգարել:

Գրիգոր ծերունին, որ սովորաբար լուռ էր մնում, շշմեց.

— Իսկ մենք... մենք փոխվել ենք, Տեր հայր: Քահանան վշտագին ժպտաց:

— Ոմանք՝ այո: Ոմանք ուղղակի ավելին են հասկացել: Դա էլ արդեն բավական է: Երբեմն մարդն ուղղակի լավան լինելու կարիք ունի:

— Դու ինձ մի հարցրո՛ւ լսել եմ ինձ,— համակարծ բռնեց անկյունում մտածող՝ զայրահալով: — Ձեռն էլ ուզել հասկանալ: Փակեցին, խաչ քաշեցին վրաս ու հիմա ուզում են, որ ուղղվեմ: Ինչի՞ համար: Որ էլի չլսեմ:

— Խաղաղվիր,— մեղմ ասաց ներկաներից մեկը: — Չի մշանակում, որ եթե աշխարհն անարդար է, մենք էլ պետք է այդպիսին դառնանք: Ես էլ եմ դրա զոհը, հո գիտես, բայց դա ինձ համար պատճառ չէ՝ ատելու ամենքին:

Քահանան հիմա էլ նրա կողմը նայեց:

— Քեզ դատապարտել են, բայց մեղքը քոնը չէ: Հիշիր՝ Աստված տեսնում է մույնիսկ այնտեղ, որտեղ ոչ ոք չի տեսնում:

— Հենց միայն Աստված էլ տեսնում է:

— Շշմարտությունը, եթե չի կարևորվում, ուրեմն գոյություն չունի: Իսկ ամեն սուտ, եթե հարյուր անգամ կրկնվի, սկսում է ապրել:

— Աստված գուցե և տեսնում է,— վրա բերեց Գրիգոր ծերունին,— բայց մարդը պետք է տեսներ: Կնոջս մահվան օրը ես տանն էի, բայց ոչ նրա կողքին: Ու չկարողացա ոչ մի բան անել: Բա ի՞նչ անեմ հիմա... սպասեմ արդարությամբ: Իմ խուցն արդեն իմ տունն է դարձել: Արդա-

րությունը մի գրադարան է՝ լի փակ գրքերով: Բայց իմ գիրքը ոչ ոք չկարդաց:

— Արդյոք գիտե՛ք, որ հիշողությունը կարող է ավելի ծանր պատիժ լինել, քան բանտը,— ասաց քահանան՝ նայելով Գրիգոր ծերունուն, որի աչքերում տազանաչի ու հաշտության մի անմեղմ լույս էր: — Երբ մարդն իր ներսում խաղաղ է, այնտեղ է գալիս նաև արդարությունը,— ապա նայելով խցի փոքր պատուհանին՝ հավելեց,— եթե մարդը հոգով չի հասկացել՝ ինչ է սխալը, մույնիսկ ազատության մեջ կմնա բանտարկյալ: Ձեր խուցն իրականում բանտ չէ: Դա մի հայելային տարածք է, որտեղ մարդը հանդիպում է ինքն իր հետ:

— Իսկ եթե ժամանակը շղթայված է ստին, որտեղ փնտրել ճշմարտության ճանապարհը,— վրա բերեց մյուս խոսակցից: — Ինչպե՞ս հասկացնել, որ այստեղ մարդիկ բանտարկված են ոչ թե իրենց մեղքերի պատճառով, այլ ուրիշների լույսով:

Քահանան մի պահ լռեց:

Այդ միջոցին ներկաներից մեկը մի փոքրիկ տուփ հանեց: Մեջը չորացած մանուշակներ էին՝ մնացած անցյալ զարմանից:

— Սրանց այստեղ են աճեցրել,— ասաց,— որովհետև ուզում էի հիշել՝ ինչ կա ներսումս: Ոչ թե դրսի անարդարությունը, այլ ներսումս եղած գեղեցկությունն ու հավատը... Որ մի օր ինչ-որ մեկն իմանա՝ ես էլ մարդ եմ եղել, ոչ թե միայն թիվ:

Քահանան վեր կենալով՝ մոտեցավ նրան, ձեռքը դրեց ուսին.

— Դու արդեն իսկ ավելի ազատ ես, քան նրանք, ովքեր քեզ դատապարտել են: Աստված է մեր բոլորի միակ ճշմարիտ դատավորը: Ժամանակն էլ Նրա ձեռքում է: Արդարությունը կարող է ուշանալ, բայց Տիրոջ աչքում ոչ մի ազնիվ ապրում անտես չի մնում: «Ճանաչե՛ք ճշմարտությունը, և Նա մի օր կազատի ձեզ»,— ասում է Ավետարանը:

Քիչ անց բանտապահը բացեց դուռը: Քահանան դուրս եկավ, ու խցում դարձյալ լույսում տիրեց: Բայց այս անգամ լույսումը տարբեր էր՝ հուսառատ, խաղաղ ու խոհական:

«Ես ծաղիկները՝ ճիշտ ինձ պես, դուրս են եկել ոչ այնքան պարարտ, մութ ու ցուրտ հողի տակից: Բայց նրանք չեն մեղադրում հողին, որ բավական պարարտ չէր, ցուրտ էր կամ մութ էր».— մտածեց դատապարտյալը խաղաղ լույսի մեջ...

Կիսասարկավագի հանդերձանքն ու ծիսական պարագաները

Կիսասարկավագությունը Հայ Եկեղեցու հիմնարկող և մկրտվածության աստիճանն է: Համաձայն Մաշտոց ծիսամատյանի՝ այն տրվում է եկեղեցու դասում՝ բեմի առջև. «...զան ի դասն առաջի բեմին», և ավելին է, քան մախորդ պաշտոնները՝ դռնապան, երդմնեցուցիչ, ջահիճնակ, ընթերցող:

Արարողակարգն սկսվում է «Ուրախ լեր սուրբ եկեղեցի» (ԳԶ) շարականով, ապա ընթերցվում են աստվածաշնչյան դրվագներ, Ավետարան: Նվիրյալի համար աղոթք է կարդացվում, ձեռնադրող հոգևորականը խնդրում է, որ Աստված ձեռնադրյալին շնորհի հեզություն, խոնարհություն, պարկեշտություն և իմաստություն: Այնուհետև եպիսկոպոսն անձին շնորհում է բազկուրար, որը դրվում է մկրտյալի ձախ բազկին: Կիսասարկավագության աստիճան ունեցող անձը, համաձայն Մաշտոց ծիսարանի, իրավունք է ստանում եկեղեցում քարոզ ասելու, խնկարկելու, պատարագչին զգեստավորելու, դատարկ սկիհին դիպչելու և Պատարագի ժամանակ սպասավորելու:

Կիսասարկավագներն զգեստավորվում են դպրական շապիկով, իրենց ձախ բազկին կրում բազկու-



Գևորգյան ձեռնարանի սաները կիսասարկավագության արժանանալիս

րար, որը խորհրդանշում է Քրիստոսի լուծը (այն, ի տարբերություն սարկավագների, կրում են չորրորդ մասի չափով): Բազկուրարը սովորաբար երկծալ վիճակով է օգտագործվում:

Ահա մի հատված կիսասարկավագական ձեռնադրության աղոթքից, երբ ձեռնադրող եպիսկոպոսը խրատում է ձեռնադրյալին՝ ասելով. «Տես, որդյակ, ինչպիսի խորհրդին կանչվեցիր, քանի որ վերջին ծառայությունից ավելիով բարձրացար, այժմ արթնությամբ մնա՝ որպես եկեղեցու պաշտոնյա: Սթափվիր ծուլությունից, ողջախիհ

եղիր հեշտասիրության նկատմամբ: Ձգնի՛ր եղիր, որպեսզի Առաջադրության հացը, որը Քրիստոս տվեց Իր եկեղեցուն, որպես կյանքի հաց, բավական չափով ժողովրդին տրվի՝ իբրև հաղորդություն, որ չի մի ավել կամ պակաս: Ամանը, որի մեջ մարմնակալը (մարմնակալը մույն գործիւրան է, որը լատիներեն corporalis բառն է՝ «մարմնական») իմաստով: Սա քառակուսի սպիտակ կտավ է, որը լատինաճես եկեղեցուն ժամարարը փռում է իր առջև և վրան դնում սկիհը, մույնիսկ սրբագործված մշխար: Մեր եկեղեցուն այն փռվում է սկիհի

տակ՝ ի պատիվ և ի հարգանք սրբության) կլվանաս, ոչինչ թող չմերձենա, և ջուրը, որի մեջ լվացել ես այն, մկրտության ավագանի մեջ կլցնես: Եվ կոնքի մեջ, որտեղ կլվանաս սեղանի ծածկոցը, մույն տեղում կլվանաս նաև եկեղեցու սպասքը: Նրա համար եմ մատնանշում սրանք, որպեսզի զգուշությամբ կատարես քո գործերը և հաճելի լինես մեր Տիրոջը՝ Աստծուն՝ Հիսուս Բրիստոսին. որին վայել է փառք, իշխանություն և պատիվ՝ այժմ և միշտ և հավիտյան հավիտենից. ամեն»:

Կիսասարկավագների ձեռնադրություն մեր եկեղեցուն սովորաբար կատարվում է Սուրբ Ստեփանոս Նախասարկավագի տոնի մախորդ օրը: Սուրբ Ստեփանոսի տոնին մույն կիսասարկավագները ձեռնադրվում են սարկավագ:

Այսպիսով՝ կիսասարկավագներին ձեռնադրության ժամանակ տրվում է դատարկ սկիհ և մաղզմա, որով նրանց իրավունք է տրվում դիպչելու աստվածապաշտական և սրբազնագործ այդ սպասքներին: Նվիրյալին տրվում են նաև պատարագչի զգեստներ, խորհրդատետր (պատարագամատույց) և շուշփա (ասեղնագործված և գեղեցիկ զար-

դարված կտավ, որով եկեղեցուն բռնում են Ավետարանը, սկիհը, խաչը և այլն), որոնցով նա իրավունք է ստանում զգեստավորելու պատարագիչ հոգևորականին և օգտագործելու վերոհիշյալ ծիսական պարագաները:

Եղիշե սրկ. ՍԱՐԳՍՅԱՆ
Սիրանուշ ԱՂՅԱՆ

ՔՐԻՍՏՈՆՅԱՐԱՆ ԳԼԽԱՎՈՐ

Կրոնական, մշակութային, լրատվական երկշաբաթաթիթ

Հիմնադիր՝

Մայր Աթոռ Սուրբ Էջմիածին

Հրատարակիչ՝

«Քրիստոնյա Հայաստան»

թերթի խմբագրություն

Գլխավոր խմբագիր՝

Նարինե Հովհաննիսյան

Գրանցման վկայական՝ 624

Խմբագրության հասցեն՝

Մայր Աթոռ Սուրբ Էջմիածին

Հեռախոս՝ (010) 517 280

Էլ. փոստ՝

qristonyahayastan1@gmail.com

qristhay@etchmiadzin.am

web կայք՝

krishayas.wordpress.com

etchmiadzinlibrary.am/en/

kristonya-hayastan

Ստոր. տպագր. 1.09.2025 թ.

Տպաքանակը՝ 1265